

甘泉鄉人稿

甘泉鄉人稿卷二十二

嘉興錢泰吉輔宜

可讀書齋詩上

初至海昌作 丁亥

我家四百年祖訓勵清白豈爲簪組榮事業炳史冊小子學無成拘守懷繩尺揭來竊微祿幸免文案責俸錢四萬餘安坐面發赤庶幾長子孫且無墜先澤

朝廷設學官非以豢庸鄙位雖抱關卑敢曰爲貧仕况茲富才傑地僻風俗美丹雘方庀材宮牆煥百雉坐我新屋廬還弄舊書史寄語媚學者擇術慎其始譬彼大

海潮日夕流不已趨向得所宗萬派同一軌

冬日漫興二首

讀書未聞道文字那得工作詩語瑣屑何異號寒蟲不  
如適其適一掃萬慮空放眼看雪月洗耳聽松風盤餐  
亦不惡日享蹋地菘濁酒醉三白新飯飽二紅行藏吾  
已定願作多田翁

迎春東郭門萬物皆熙熙我亦隨兒童尋春以自怡草  
木未萌芽何處春風吹老梅獨妍好開徧南北枝先春  
得生意頗怪造物私那知耐歲寒自具凌霜姿醞釀萬  
斛香乃在三冬時

陳棊卿文學

斌

以肴核見餉適沈雪門

洛

蔣霽

峰星華

過訪相與劇飲招棊卿不至次來詩

韻戲答

戊子

朋簪日夕來應接每不暇囊空三百錢何處問酒價客  
來倒屣迎客去攝衣謝爲言薄物獻白茅可用藉倘期  
備八珍幾欲避三舍忽聞小兒喧歡聲喚郎罷門有擔  
榼人纍纍滿肥炙舉家開笑口娛客得卜夜山妻髮免  
髡好友食無咤乞鄰醯不勞獻佛花可借玉漏莫頻催  
金吾不須怕明朝盤餐空翻畏客稅駕投轄驚孟公客  
到煩君訝求益如買菜漸佳思啖蔗請爲洗尊疊草堂

拓五架酒肉羅淮坻豆登小嵩華陳君聞此言閉門獨  
嗟詫此後有魚菽勿願大夫化

澹庵先生小像硯歌為呂幼心司馬棠作背鑄澹庵

先生小像款云紹興戊寅錢塘馬和之寫明成化甲辰儲文懿確得於京師書肆有題識

匣上刻硯

南渡以來抗和議直節首數忠簡公公名可書格天閣

公像不上景靈宮紹興圖配饗功臣於景靈宮端州一片石何幸傳

公容精光蘊結久不壞三百年付柴墟翁柴墟雅操亦

可法中官氣懾京儲充想當草疏論四事必磨公硯懷

孤忠吁嗟乎一篇封事千金值異域猶能慕風義廣州

轉徙又新州瘴海曾無容足地徒令毛詩畫手馬侍郎

寫出宗周數行淚老秦旣死公始活小朝廷事愈兀艱

老秦之頭惜未送強敵老秦之貌今已鑄頑鐵公像凜

凜如生存流傳有宋處士之裔孫處士祖秦司處士上馬始遷祖也

擊登聞鼓敢諫當共胡公論呂家由來重世講世講字見呂氏

童蒙訓此硯付託遠有源紹興戊寅記歲月是時公正歸

飲湘潭園十年浮海淡生死一醉賦詩懷主恩考亭題

句祇自警腐儒誤讀畱狂言事見鶴林玉露豈知廣平心似鐵

梅花未必耽吟魂明窗淨几見恍惚明窗淨几嘯歌其間恍兮惚兮如見

公容儲文浩然正氣流乾坤願借公硯濡大筆著論一

雪千秋寃

夏日雜興四首

一局圍棋趁午涼近來施范已無雙不如硤石羊毛筆

學字兒童共北窗

棋師施襄夏范西屏皆海昌人硤石羊毛筆見州志

潘種金魚倒好嬉

潘氏畜金魚多名種吳門養魚者號潘種

盆池愛玩憺忘

歸追涼更約花山去靜看白鷗對對飛

亦疑爲農不解鋤炎風燒夏硯田枯隅園大有清涼地

試問園丁或肯租

知了聲聲叫夕陽兒童放學日猶長蕭閒絕似村夫子

臥讀唐詩闕腳牀

聞岱峰將至以詩迎之用東坡喜劉景文至韻  
十年晨夕相招呼五年相望天一隅離情欲寫不可寫  
往往卅月一字無君詩數寄未屬和間敵而退慚非夫  
不虞君將涉我地旗幟欲豎無人扶急修壁壘待強敵  
挑戰豈敢捋虎鬚去年病中君訪我觀潮後時自笑迂  
昨歲八月十九日岱峰來問余疾不及觀潮  
有句云平生自笑多遲鈍不獨觀潮已後時吾儕謀事  
百未遂敢云磨蝎如韓蘇惟餘狂態老不改嫖母自詫  
傾城姝當時同好各星散握手猶得君與吾與君準備  
十日飲我夢已落鴛鴦湖

時岱峰在禾

雪中梅次幼心先生韻二首



何處幽香鼻觀侵梅花雪裏獨深深高天妝點非無意  
大地冰霜孰共任待轉陽和須慧力厚培根本費婆心  
紛紛桃李真麤俗不博詩翁一笑吟

冰肌那得俗塵侵多謝飛花擁護深詞客巡簷雙鬢改  
短童歸逕一肩任肯爭春色妨真色獨抱冬心有素心  
試問淺斟低唱者可能耐冷共閒吟

嘉慶辛酉余侍母寓京師興隆街其後十年衍  
石兄亦賃居於此庚辰秋日訪兄於邸舍對  
庭前棗樹感賦一絕云童稚讀書地重來一  
惘然無成愧庭樹落實自年年今又十年矣

偶讀梅都官送弟禹臣詩王都寓居樹陰少  
惟有牆隅兩株棗云云根觸余懷用韻寄兄

并示諸姪

己丑

別兄時多見時少不及庭前弱枝棗吾兄詩似梅都官  
念弟應憐棗花好棗花熟我少年時又見諸孫弄文葆  
寄語豐盈犀角兒記否東軒舊長老十年依舊學無成  
滿頭元髮行將縞但從海上覓安期春風悵望長安道  
西堂詩夢幾時通那得助兄賦春草

盧小彭齋尹

大年

招飲安瀾園次幼心先生韻

連朝冷臥學袁安忽覺春光到眼寬酒客何曾三日醒

天公爲減十分寒，好花向日舒紅頰。  
小鳥穿林拂翠翰，賴有盧仝饒逸興。  
肯攜茶具付園官。

張荔園先生駿喜子病起賦詩見投次韻

痼疾能除賴好詩，狂歌朗朗徹書帷。  
縱饒妙術難醫俗，倘有知音肯賣癡。  
排悶酒傾千鑿落，延年藥乞一軍持。  
待翁九世同居日，來向雞窠看小兒。

上巳日幼心先生招同小彭、鯤尹、王遠聞文學  
出郭至樂靜居看桃李花次幼心先生韻

病起尋春倦眼舒，眼中人似永和初。  
郊原浩蕩容歌嘯，胸次崢嶸盡豁除。  
夾岸好花鬪紅白，到門新水弄虛徐。

年來靜樂差能解所遇欣然自有餘

李介石夫子索觀舊稿俯題一律依韻敬荅

廿年離緒隔江天短札時勞寄浙煙

夫子久客揚州

忽坐春風

論實學劇於少日荷真傳三通考古編頻絕

夫子擁讀三通數十

年無閱

九等衡人筆有權

夫子方纂人海韻編

至行久爲鄉里式經

師漫詡腹便便

元作

李 穀

洗盡鉛華見性天知君抗志切雲煙舊書不厭鱣堂  
讀好句時聞鴛水傳要使文章歸有用儘教風月退  
無權吟編誦罷懽心劇來往清言咫尺便

岱峰自臨安寄詩二首同用十四緝韻次答

踏青

吾家衣錦鄉不虞君掩襲高臥東西山永作湯沐邑  
泮湖煙波深雲岫互巉岌有月時沿河坐聽春漏急  
詰朝天氣清菜花滿皋隰婦姑提筠籃新茶收麥粒  
澗瀑助客吟岸柳向人掛呼晴鳥閒關戲水魚戢  
香好友惜分飛茲晨孰來集我居大海濱有如蟄  
蟲蟄愧乏經世方依林羽暫戢離家僅百里倖免  
望鄉泣所嗟友朋遠窮年但隻立何當返衡門  
里并得其汲范湖攜榼游倦圃排闥入君如驥  
展足我若蝨附羣相與攜手行滑不懼

蘇級平生江湖心未可負蓑笠

賞花

長安看花人遙起鬪豔什欲往從之游籠鳥困拘繫夢  
想豐臺春芍藥紅欲溼清晨入市賣宿霧猶浥浥六街  
萬花會牡丹覺羞澀憶昔童卯初輕衫跨紫褶亦曾汗  
漫游到處醜香裏折歸膽瓶供窗戶明熠熠當時舊邸  
舍吾兄屋重葺

衍石兄邸舍  
爲余舊寓

今年數春光屈指過九十

安能花底坐和樂兄弟翁把君賞花詩欲讀屢嗟挹與  
君廿年來鄉里手同執曾對百花叢共染松煤汁同調  
六七人高談口捷給揭來各星散新詩孰刪拾我如花

墮溷春風枉噓吸故人幸未忘尺書時見及開緘得一  
笑稍可蠲愁悵庭前滿眼花惜非童所習

月夜作歌和幼心先生

詩翁豪興清夜發欲向天公借明月天公不惜白玉盤  
盈手贈與詩翁看詩翁愛士無賢愚得月共賞容吾徒  
入林把臂不用呼清景合與閒人娛此時夢想西子湖  
湖心淨吐驪龍珠不然我家釣鼈磯畔魚樂園亦有湖  
光百頃清而紆惜哉不得湖船租常儀冷眼笑腐儒月  
色隨處好那用限一隅曷不放眼滄海上一看萬里瓊  
田鋪君不見怒潮陡卷千堆雪越山隔岸屏風列萬古

清光圓不缺

幼心先生分酌第二泉賦謝

小飲頻勞折簡呼品泉更爲洗行廚細繙桑苧煎茶法  
巧試坡仙調水符能使枯腸潤文字頓教舊夢憶江湖  
九龍山下曾來往他日從公訪竹鑪

小齋

小齋天所借鎮日閉門居晴課僕刪草夜聽兒讀書不  
鳴同木鴈樂志謝金魚耳曠嬾聞事吾師徐仲車

世母寄示悼孫女德壽詩三首敬次元韻

纔聽笙詩誦補亾何緣黃土竟埋香阿爺欲博南陔樂



夕膳晨羞只暗傷

大母傳經得指南班家女誠儘能諳定知慧業前身有  
妙法曾參五十三

頓覺分甘少一人庭闈那得不傷神再來應踐金環約  
重慰含飴白髮親

食蟹限三江韻同荔園先生作二首

瞥見星星火霜濃柳外艫尖團爭水市品味壓廚窗對  
菊情同逸持螯氣未降橙香試纖手笑擘伴銀缸

自昔分甘會將詩換一雙南湖菱滿把下若酒盈缸遙  
憶金陀里狂歌水調腔夜航鄉味到鱸膾敵松江

陶鉏雲外史 瑄摹尤水村畫周種石鉞

銅劍易石硯玉帶換衲裙坡翁黃州歸投贈多殷勤泗  
州雪夜黃沙走更喜使君送酥酒當時隻影對千山自  
言老去懷三友周種爾何人蘇門君子非等倫不惟其  
人惟其物石鉞亦足傳千春陶君好手突過尤水村有  
若摩詰詩畫清且敦粉本細寫窮朝昏坡翁應亦斂衽  
無閒言請君更貌仇池石并寫登州碎玉高麗盆不然  
胡穆秀才古銅器隻耳長脣倍精緻蘇家清供羅列几  
案前藥玉滑盞亦堪試我題此圖溯元祐酌酒狂呼周  
教授配享之奏且勿論折足之言請長守

李香子明經

富孫

校經圖

辛卯

陋儒昧故訓讀書輒臆改魚目或濫收轉棄珠百非博  
士喜新奇俗文恣搜采如入五都市紛紜羅雜賄先生  
研羣經胸中有真宰故籍探膏腴至味勝醯醢漢易窮  
爬梳撮要獲義海易注最精博正俗訂說文學僮祚鄙倍說文  
辨字正俗八卷我愧鄉里同遲生三十載未得隨話經苦爲俗  
學浼夢想西湖澹精舍闢爽塏堂廡分東西步游躡元  
凱於時多碩儒先生實魁壘嘉慶初儀徵阮公創話經精舍於西湖以居兩浙經  
生先生與焉老成漸彫謝末學半荒餒閉門獨磨丹白首志  
不怠願從先生游我心得啟乃三體窺鴻都六籍正豕

亥但能傳一經窮老不追悔

嘉興學師德清程聽溪先生

夢麟

悔不讀書圖

二首

吾愛程夫子真堪學者師  
考圖脩禮器按律譜笙詩  
灑掃職無闕賓與會有司  
四語皆實事讀書得如此雖悔不須

追

我亦冷官冷身閑業未精  
論文多懶散問字失分明  
漫拾山村句因題學舍名  
仇山村官溪陽教授有官冷身閒可讀書之句余取以名齋

讀書竟何用悔不早躬耕

秋日至武林偕岱峰步湖上有感舊游諸君子

用岱峰韻

齷生窮年坐兀兀湖光到眼塵顏開獨游良足愜幽賞

況逢勝侶相追陪十年不共坐煙雨故鄉茅屋荒蒼苔

和村長已矣

吳君客死京口

又垞亦可哀

蒲君自滕縣乞歸不及見而沒

仁圃

渺何所

胡君沒九年矣

遺文零落隨塵埃蓮溪官京邸短札時

一裁雪門昨者偶相見湖上未得同徘徊我家兄弟亦

遠隔三年始得見一回

雲壽兄爲武義校官亦以送試來武林

每逢好景

輒相憶坐令豪興同寒灰青山不改舊時面而我與子

亦漸衰閒中一一數疇昔那不對月傾金罍名心未斷

偶萌動如秋草尙留根

岱峰譏余不赴試而名心未淨

終然瀟落百

無用吾生原處才不才湖心放棹急收舵天際隱隱聞  
輕雷先機勇退古所貴乘風破浪何爲哉卻因妻子戀  
寸祿卑官趨走儕輿臺南屏晚鐘醒客夢恨不投劾歸  
去來

屠筱園教授

湘之

迎其兩姊置於維揚歸葬先

隴作姊歸行以寄意感賦二首

壬辰

我早失怙恃骨肉多憂患七歲天諸兄獨處形影孱有  
妹在嶺表別久凋朱顏有姊滯淺土未得誅榛菅常時  
羨鄉農兄弟茅三閭姊妹嫁並舍一日數往還人生仕  
宦後別淚時潺湲相望不相見重以生死關

屠君姊歸行語自性情得落紙數千字字字吐胸臆長  
姊實女師次姊亦女則教弟賴姊恩葬姊乃弟力倚惟  
緯真翁我祖墓銘勒彼園族祖山民翁來禾中常主寒家先世墓刻多所撰述門風  
三百年雲初幸相識傳家共孝友我愧食舊德讀詩感  
中腸一讀一悽惻

吳晉齋貳尹

廷康

虎字歌

吳君筆端挾虎氣能卻山精走百魅午日磨丹不肯停  
一筆揮成一虎字字摹古篆八體全鐘鼎款識窮搜研  
平生嗜好金石專不數吾衍學古編吾聞虎書傳自周  
史佚五十六種此其一王家虎爪繼龍爪題柱揮毫筆

鋒疾又聞永字備八法以一該萬用不乏吾儕千紙一  
類萬字同何異吏鈐紙尾判花押吳君結體字字工一  
字一體無一重或如臥虎鎮百谷或如嘯虎生長風有  
時偃筆學乳虎爪牙不露藏其鋒忽然振筆作猛虎怒  
勢往往吞蛟龍世傳虎字能辟瘡相國松公傳筆格松  
公胸中有韜略曾統熊羆度虎落立朝矯矯亦虎臣真  
氣直欲驚天人吳君吳君豈其亞指顧風雲通變化虎  
林此日相逢乍乃與吾曹共遭罵何來一字千金價

聞衍石兄歸郡城下榻學山兄樂壽堂賦呈四

首末篇兼懷雲壽兄武義



積雪明南窗獨坐憶遠道大河凍行舟何處賦春草忽  
傳一紙書開緘豁懷抱爲言卸裝初樂事田園好上堂  
拜世母慈顏幸未老家事咨長兄連牀度昏曉揭來犀  
角兒去日猶襁褓呷唔共燈火兄孫已聰了流光十五  
年忽忽同過鳥暫辭京洛塵且食江鄉稻

江鄉迫歲儉物價日騰踊義田分無多況未薙荒茸幾  
家典寒衣糴米滿斗甬一飽未終朝飢腸已雷動卽今  
眼中人何術救決踵歸裝萬卷書美味逾嘉種心計刪  
研桑遺經述鄭孔樂道久忘貧蕭然埽塵坳里黨歡相  
依出門無恹惓願買田一雙耦耕傍先壠

耦耕恐難遂夢想漱上山山中有丙舍靜讀可閉關高  
峰九十九三面開煙鬟踏浪看山色我願充魚蠻卻因  
俗緣重尙阻仙梯攀我兄亦多累何日全家還偶來鷗  
共泛難與雲同閒不如且就我信宿茅三間相違動一  
紀鬢髮各已斑百里猶恨隔即用衍石  
兄舊句未得承歡顏

歡顏定可承相約十日後冷齋得春融清氣滿戶牖高  
談任縱橫參語可誰某家督秋水翁學山兄近  
自號秋水厚德壓

曹偶同眠布被溫共聽寒潮吼可惜武城師講堂隔川

阜待寫荆合圖同居期白首前年與學山兄同畫小影  
疑約雲壽衍石兩兄合四

人寫一圖取樂順堂西偏荆合齋之義名荆合圖 家風五百年宗族世敦厚夙

夜念所生敬詘誓不苟安排苜蓿盤徧酌屠蘇酒

齋居漫興五首 癸巳

昔夢何從到今來竟作家補籬旋換竹移樹已開花轉  
覺鄉音邈曾無遠道嗟且爲十年計隙地種桑麻  
儒生有經濟出處漸從容磬折防蛛網舟旋避蟻封殘  
書嬌女補破襖老妻縫漫說無公事關心也問農

暮雨兼朝雨今年甚去年肥真糠粃食泣少豆其然已  
納官倉粟還償富室錢願陳根本論待貢八蠶綿

精衛無情甚西山石肯銜醉心吳客駭銘口鐵犀緘仇  
海人何限

元陳彥謙以父溺於海終身不至海  
上黃子久爲作仇海賦事見州志

觀潮興

欲芟兒童不解事七發誦誦誦

舊事從頭說經過有老翁田園幾家守興廢百年中化俗思循吏聽談到短童肯來荒徑坐卽此見瘠風

題吳晉齋印譜追感陳新筵文

寓

填篆古法今不存異時嘗共陳君論陳君論印辨毫髮每篆一紐窮朝昏後來學佛謝鐵筆彼求印者猶盈門晉齋示我新印譜虛和妙合陳君言

新筵論書及印皆以虛和爲貴

年未敢道隻字說文不熟昧字原吾鄉張君

叔未集漢解元

印亦嘗一一從頭翻大都深通六書義於技雖小道亦尊俗工反古乃失古斧鑿未化徒留痕強摹秦漢字缺

蝕或仿鐘鼎形紛繁偏芴茫昧不可辨讀者結舌但手  
捫譬如文家學兩漢已失明法況宋元歙人篆石數程  
遂陳君配之如弟昆晉齋亦工大小篆三子異派同其  
源惜哉陳君不可作我寶貞石侔瑤琨廿年什襲滿篋  
笥擬欲徧印紙百番晉齋倘續印人傳慎勿詫我論不  
根

幼心先生文孫成慈成惠同補弟子員上距先  
生入學之年甲子一周矣先生率兩孫重游  
泮宮有詩紀事賦寄一首

儒林圖覩隘橋門一老婆娑率兩孫故事近尋淮海集

無錫秦小峴司寇嘗攜孫重李愔與此鄉合號秀才村從父兄  
游頰宮時人多歌詠其事  
普濟並應秀才舉時人謂所  
居爲秀才村見北史李裔傳  
今幾輩存回首童時釣游地緩扶鳩杖與重論

外姑馬太安人輓詩

我昔侍外舅僅得半年耳外姑幸壽康脩敬踰兩紀方  
喜春日長夕陽忽西靡憶昔奠幣初闔門見色喜仲君  
富才藻筆硯相磨砥文孫掇青衿橫舍名繼起寒窗燈  
互挑秋賦舟同艤聽吹伯氏壘其煖姜家被嘉慶癸酉  
春同寓葛林園戊寅己卯沖每逢角藝辰文戰不移晷  
齋挈哲嗣赴試亦同寓舍  
阿母大歡喜行篋親料理謂當振羽翮雲路征帆駛那

知樗櫟材入爨其杞梓仲君與長君相繼悲蒿里而我  
倦秋風漸悔雕蟲技廿年望成名投老一博士猶幸鹽  
官城去家僅尺咫時時夜航船相餉羅甘旨季女省觀  
頻瞻望免陟屺阿母劇愛憐鼓枻曾來視今年開九表  
季子請稱兕綵衣召賓朋母曰母爾爾我憐道路人雨  
黑屐折齒願施上壽金重整圮橋圮此事眾口傳歌頌  
徧城市我知母仁慈凡事類如此吾禾俗儉約婦職勤  
絲枲一自風會移稍稍事華侈母兮倍辛勤食啖無貳  
簋出常限廳屏居不飾簪珥詩書勛後昆蘋藻潔先祀  
凡我目見真所言無溢美鄉里聞我言淚落不可止謂

予紀述之用以箴女史里人僉曰然母德信如是不見放生橋永奠南湖矣欲知世澤長請視橋下水

憶吳橋舊事四首

吳橋縣齋有文光果一樹垂蔭扶疎先君治事其下余與仲兄值果熟時繞堂嬉戲恆取啖焉嘉慶丁巳七月仲兄殤己未先君擢任京縣余去縣齋已三十餘年矣

勃海文光果無緣得再嘗兒時覓梨栗老去隔津梁連理已教斷孤根那得芳祇應遺愛在勿伐比甘棠

丁巳秋世父乞假南歸過吳橋留十五日己



未春季父視學閩中亦來取別是後我父與

伯叔父遂不相見矣

我父中年後常嗟雁影寒閩山曾共破

先君宰甌甯時世父與叔父檢

討公至官舍

京邸暫同盤

丙辰先君引京信宿伯叔父邸舍

見至

會合悲歡

雜牽提笑語難

伯父來時適有兩兄之瘍季父來時纔聞叔父雲南計音

那知小樓

月只向縣齋看

諸父每言秋涇橋近水樓看月之樂

先母愛誦杜詩長兄仲兄秉母教皆能成誦

丁巳兩兄暨第三姊相繼夭母慟之成疾疾

閒時每教

秦吉

讀杜詩然念及兄姊必掩卷

黯然也

一卷少陵詩長吟母是師解題教上口

母教讀詩必先誦詩題爲之講

解謂題義不明則詩義亦不明也

數典與稽疑夜雨傾蘭檻秋風斷藥

卮至今尋短冊忍見淚痕滋

嘉慶己未適程氏姊南歸母送至故城旅舍

余拾庭前榆莢餉姊以爲別

逆旅一爲別高榆正吐蕤未能供滫髓也解惜分離有恨眠難熟無情樹亦衰女嬃今淺土撥引竟何時

### 崇明老人詩

讀陸清獻公崇明老人記演爲歌謠取便婦孺口誦以俟大雅君子裁定焉

大哉

仁廟御宇萬物無不得其宜胚胎元氣方蓂茲

天子以孝治天下天下婦子皆熙熙延陵老人爾何人  
適丁其盛樂不可支少年鬻子以療飢分當生死長別  
離四子人奴亦蚩蚩那識古有南陔詩一朝乞身富家  
兒四閒列肆如置棋其中一閒平不陂五日十日於此  
進壽卮老人九十九妻生二歲遲百齡夫婦猶齊眉四  
子並立諸婦隨諸孫孫婦曾孫二十餘人輩行無參差  
伯子花米店米以治飯花裝衣有衣何必絹與絲箒中  
大布仲所治叔也醃臘堪朵頤季則南北雜貨羅紮紮

各出其有以供老人之所思老人飲博無不爲一串五十錢櫛中取錢錢不虧取錢入市任游嬉有時遣人錢密持以付博徒翁不知佯輸與翁翁持歸於戲四子之孝古難得四婦之孝古尤稀蚤餐午餐晚餐以次陳盤匱但願日日得見翁與姑一日不見心不怡於戲老人爾何人乃有上壽又得是子是婦樂不可支雲閒佳士王慶孫親見其事口述之當湖夫子史筆垂康熙二十二年十月旣望時孤兒讀之涕漣漉此事足沁人心脾演以韻語譜入笙詩吹時惟道光十有三年

天子仁孝

聖母慈

到治上媿軒與義萬物各得其所如由儀願天下子事  
父母婦事舅姑皆如斯

蔡硯香

載越

曾偕馬古芸舍人

錦

泛舟桐溪古

芸與王補坪合寫春溪載酒圖以贈硯香癸  
巳秋日硯香屬題古芸下世已三年補坪亦  
化去矣感賦三首

莆陽蔡大嬉游日會飲會同馬仲塗何事重過普照院  
獨揮妙墨剩君謨

作者應追霞外集何人爲續月泉吟碧蘿詩夢吾能說

主客圖中孰賞音

畫舫曾教共唱酬香醪小榼忍重游若爲更倩雲林筆  
寫出春溪一段愁

學使新城陳侍郎枉示集東坡句謝儀徵相公

寄大理石鐙屏詩依體奉和

甲午

何人遺公石屏風

歐陽少師令賦所蓄石屏

眞契當如磁石鐵

石芝玉

堂揮翰手如飛

次韻王淦州見寄

無數雲山供點筆

次韻送程六表弟

二公懍懍和非同

和歐陽少師寄趙少師

治狀兩邦俱第一

次韻二守

同訪新居

法供坐令微物重

文登海上白石

玉德金聲寓於石

龍尾硯歌

鍾秋厓茂才招賞牡丹應笠湖明經卽席成詩

云春到今年十倍寒寒消春已九分殘東君  
畢竟非公道獨放晴光寵牡丹戲下轉語亦  
成一絕

愛惜名花是嫩寒遲開不共晚春殘東君若解詩人意  
暫闕晴光護牡丹

去北郭五六里元吉西鄉陳家牡丹二百餘年  
矣同人訪之出其祖傳堪輿書盈尺爲康熙  
閒名珥字輝含者所鈔其前居此不知幾何  
世今不知爲輝含幾世孫也同人太息而去  
乃越阡陌憩於溪南何氏

乘閒結朋儔共踏荒村路幽人昔遁迹於此稅巾屨手  
鈔青烏經花下理書具看花到子孫遺書付童孺云是  
祖父傳勿使文字蠹乃知深僻鄉未被繁華誤高門有  
楹書幾世勤守護試問平泉莊主人遞朝暮

冷眼怯花光不向花前飲別尋桑麻村野老相問訊爲

言道殫多幾日官倉振可憐深色花不足償負進連朝

天氣晴差比去年勝春花倘有收

農人春收日春花

餉客具盤

釘嗟彼繡幙人殷勤問花信亦怕春雨多阻卻看花興

偶檢嘉慶庚辰行篋雜記追感蘇村吳兄乙未

昔偕吳兄行青徐旅宿阻雨一日餘野水三尺沒通衢



游行水中馬如魚如魚負舟我馬瘖急投村店休僕夫  
吳兄今之管鮑徒客枕夜話情不孤天明脂車前馳驅  
高岸水退仍泥塗土人相慶相招呼明日有錢酒可沽  
三更四更攜耒鋤官道鑿空穿溝渠蔽以泥草雜葦蒲  
有不戒者足躡虛車輪四角馬截跌居人見倒誰肯扶  
橫索客子青錢輸掀車泥淖來眾狙前車既去後不虞  
道旁僨車無日無我嘗一日三嗟吁暮入坎窞濡衣裯  
同行走避如驚鳧相依形影我與吳風餐露宿念飢飢  
詰朝出險鞭羸驚揚鞭高語彼奚奴大河前橫那可踰  
津吏索錢甚索逋自朝待渡至日晡一騎忽見飛官符

止姦禁暴脩野廬境入齊魯道闢除時我從父開府初  
濟南風物侔吳趨城角一鏡開明湖扁舟蕩漾雲水區  
涼堂結夏兄與吾客中長得如斯夫棄家遠游亦良圖  
入秋我乃趨京都漣泉重酌寒風疎我獨南行兄脚蹶  
忽忽十五年已徂瞥見行篋淚眼枯當時瓜步同行艫  
那知客死彼一隅蘇村沒於江防同知幕中己五年矣吾今倦游守妻孥  
出門所向逢譎觚安得誠信如兄乎作詩匪獨記征途  
夜窗共讀招友于令弟春臺在州解時時過談魂之來兮燈模糊

次韻答朱子藍水曹

蔚

見贈三首

丙申

問君汲寒泉何如游煥谷曷爲款小齋殷勤詢孤學由

來臭味同胎息乘一族我幸藏楹書悔未十年讀舊侶  
異升沈獨行苦蹠蹕伊誰曲徑中導我涉平陸安得于  
頃波駕彼舟萬斛默養胸中春炎風埽庚伏愧非大宛  
駒連枝食牧藭萬事期自然絲竹不如肉願君示真宰  
坐待梅子熟

何人笑昌黎乃以文爲詩要之載道言彼此容兼資請  
觀薦士篇采色成彰施義山得其意大筆書韓碑植之  
訓誥中輔以雅麗詞幽怨託香匳致光非情癡伊昔弄  
柔翰頗欲恢始基質文兩不立根本嗟已衰尙賴師友  
教粗得識指歸願爲君羽翼上下無差池我言多謬誤

彈射求文移

詩老應笠湖風規我畏友每聞君論詩降抑輒虛受我  
慙口耳學但足資談藪累世傳遠圖常恐弗克負盟蘭  
幸同心

子藍書齋號  
盟蘭仙館

接坐免交帚喜君有佳兒問字循

牆走會看局幹成定作蛟龍吼俊語驚老儒妙辭解幼  
婦水曹嬾朝參寂寞甘蓬牖牀前看兒戲世事夫何有  
請邀笠湖老期君酌以斗同參小乘禪起舞大垂手卽  
境懷抱開聲名任速朽

附元作

朱蔚

芝蘭茁瑤階楸梓蟠穹谷要知古通儒蘊釀由家學

夫子承華閩金張標氏族匪徒楹書貽折藁并課讀

集中有秉母教讀杜詩感懷之作

所以騁藝林神駒蚤騰蹕經義師

馬鄭詞賦擅潘陸蚤旗建三丈龍鼎扛百斛會當玉

山馳胡迺鹽車伏長材困短馭盤餐甘苜蓿名山有

傳人不在飛食肉青紫只區區好官思爛熟 載道

發高文緣情播聲詩根茂斯實遂言行常交資柰何

末俗弊輒作酬應施買聲竿木具媚世功德碑摭拾

虞初說媒褻香奩詞嗚呼荆榛墮符乃誚論癡維君

重勵志立言忠孝基清芬紹先世長恐門業衰遠道

切友于白首期同歸

集中書世系譜序一首陳碩士先生謂爲至論名言世家子弟

所當錄置座右又有喜衍石  
令兄南歸詩四首并和作 浮詞埽糠粃正樂追咸

池力挽狂瀾倒柱石屹不移 文章區派別千載堪  
尙友遙遙奉瓣香何異一堂受嗟余鮮定力涉略迷  
淵藪近更坐嬾廢駒隙光陰負徒書百悔經并乏千  
金帚雅荷巨集貽知音推下走淋漓濡墨瀋鼈喙挾  
鯨吼淒清夏幽韻孤舟泣嫠婦名言洗肝脾真氣驚  
戶牖頗欲獻芻蕘疵類亦何有高吟擊唾壺大白傾  
一斗醴堂多清暇綈槩不離手努力追前修令名期  
不朽

衍石兄自大梁書院用東坡聞子由瘦韻見寄

次答丁酉

十年安坐髀生肉未至舉家常食粥講堂夜飲散學徒  
靜看簷楹掠蝙蝠性情但覺漸疎慵嗜好焉能別流俗  
吾兄手書時一開寶之不異徑尺玉遙天相望隔銀河  
古寺何年訪金粟會須海上聚沙鷗共往山中友麋鹿  
元方將車季持杖那用紅塵走騶僕兒曹謹厚賴家風  
待效伯高嗤刻鵠

間本生祖考安慶府君新鄉舊治將重建廡南  
書院疊前韻寄衍石兄

先公愛民逾骨肉能使窮黎飽豆粥荒田免稅非力爭

曷解倒懸雪色蝠

府君請永蠲礪地稅四  
百餘頃以去就爭之

祠堂胖蠻已

有年報賽春秋遂成俗

邑治之東及  
趙村兩祠

試看淇泉易使民

府君將之官新鄉文端公賜詩云他

時重較觀風日要看淇泉易使民

傭夫販婦皆冰玉

用蘇句當年頻逐使君輿

諸父奉  
鄉民扶老攜幼同拜祠下

爲言

共拜仁人粟廩南書院喜重新待整遺規師白鹿何當

從兄共夜誦一任屏風觸倦僕遙羨諸生爭執經門外

白袍如立鵠

來詩再用蘇句  
依體亦再用



甘泉鄉人稿卷二十二

甘泉鄉人稿卷二十三

嘉興錢泰吉輔宜

可讀書齋詩中

雜吟十二首 戊戌

吏隱曾無事閒居述作宜斯文三代後力學廿年遲寒  
鳥嘯春樹新花戀故枝著書忘歲月何日返茅茨

淹留逾一紀稚子已成童寒夜孤燈共幽懷萬慮空家

規頻告戒舊業好磨礱此意當誰語梁園雨雪同

謂衍石兄

卅載修家史才疎未整齊先人留厚澤宗族聚秦溪舊  
俗惟圖樸遺編試考稽遙憐好兄弟旅食各東西

漸與高僧近蒲團坐掩關焚香偶調息得酒且開顏月  
滿南湖水雲堆澈浦山如何日來往清夢不能刪  
海上一凝眺越山晴亦佳雖辭故鄉侶未覺物情乖入  
世無奇策乘閒暢好懷老如潮有信那用費安排

頻歲金堤固蕭齋得晏眠屢煩星使策那惜水衡錢土  
木平新價蛟龍返舊川論功延世最恨不見楊焉

楊焉見漢

書溝洫志前東防同知銅仁楊公  
棟秀築塘不成自殺州人思之

閑客息塵氛隅園坐日曛山林荒愈妙徑路熟能分危  
榭仍依水叢篁自拂雲何須著色畫苦愛李將軍

余極愛安

翻園荒涼之景嘗謂游人云  
此不著色之大李將軍畫也

不作京華夢今來二十霜料應惟沈子

蓮溪

時或憶錢郎

男大頻添累年增漸減狂故人多厚祿誰共老耕桑

岱峰吾老友幸不異升沈各有名山願其如白髮侵觀

棋人坐雨讀曲月窺林一歲一相見懷鄉共短吟

夢中故人面夢醒卽天涯讀易懷仁圃

胡君祥麟

論文數酉

槎

浦君日楷

吳筠信高鯁

蘇村

張翰富才華

堯民

詩墨俱藏篋披  
尋一歎嗟

冷宮休問事佳士不論才但解耽清詠何妨共濁杯插

籬芟惡竹埽壁寫疎梅主客各成趣忘機誰見猜

養真何處所隨地可誅茅臨水安新檻依山結小巢肯

刑未雕璞莫笑不材匏寄語樵漁者吾將訂石交

王香潭翁

龍蟠

輓詩用東坡哭任遵聖韻

少爲諸侯賓老作經師長海邦有此翁古道未凋喪高  
懷媿太初至樂得天放每於少年場喜見丈人行勝游  
興不疲清談神猶壯翁年已八十我始來海上一紀相  
追隨情不異親黨貽我逕尺字腕力逾健將名言作良  
箴法語息官誦翁爲書先曾祖訓子弟楹帖蕭齋數過從困風懷擊  
壤詩翁張子野謂荔園教授夙昔齊德望我幸得兩翁歲時  
喜相餉那知罷壽觴斗酒期會葬猶幸平生書嶽嶽列  
屏嶂兩翁古仙佛敬瞻一合掌

歲已丑兩翁書屏拈完好

汪汪千頃

波不足比度量儻修耆舊傳逸事孰咨訪我詩語不誇  
或可補家狀

題蔡笑拈

錫琳

數點梅花室圖

吾家舊種寒梅樹每到花開一念之老去不知春色早  
風光合讓少年時

蕭齋讀易妙通神索笑簷前日幾巡借問一枝如可寄  
同參三十六宮春

題徐亞陶

薦謙

橫琴待鶴圖

徐君未識面鶴立想丰標何日攜琴至同聽大海潮  
白雲在天際花底且橫琴一曲下元鶴如傳萬里心

送陸一齋以鈞之閩中己亥

陸生雅似高南阜

乾隆年間膠州人有南阜山詩集見四庫附存目

健筆能

將左手扛惜別新詩留一紙獨攜鐵硯

尊甫冰庵先生所遺遡連

江

料得將軍禮數寬海中更漏報平安書生不覓封侯印

飽看閩山據玉鞍

時將入將軍幕府

阿翁游屐徧天涯未喫呼來泉畔茶好補茶經勝茶錄

著書幾卷付麻沙

我愧松陵唱和頻得依甫里寄閒身笑君懶作谿雲主

讓我江湖號散人

輓朱子藍水曹

去年與君作重九層樓豪飲聯曹偶今年重九風雨惡  
有淚難傾去年酒盟蘭仙館榻生塵感舊重過一搔首  
伶仃弱歲泣孤兒侘傺衰年傷老母一編捧出樊榭詩  
簡冊如新絕氛垢云是彌留屬檢還病裏丹黃不去手  
君假余所藏樊榭詩評本疾革時屬家人付還把卷淒涼那忍看夜窗永念平  
生友平生結交歲在酉文字而外不挂口我於君詩多  
可否君聽我言笑而受君於我作無貶辭竟欲遺文託  
身後嗟我文不足自壽後世相知定誰某悲風此日穿  
疎牖壁上君詩欲飛走讀詩繞壁沈歎久風聲助作蛟



龍吼

君贈余詩幅時懸壁間

吁嗟君詩包眾有出語和平意深厚

上規三唐希五柳自言近法金華叟

方君鐵船

篇什無多足

不朽寄語佳兒慎藏守年年相訪藍田莊為煮晚菘匹

春韭詩中曲折我能談待與郎君細分割

放蝶

并序

庚子

學舍鄰並小女子得綠蝶一大踰常蝶後翅若燕尾籠  
之經宿一蝶翔舞繞籠若求其偶者乃並獲焉余聞而  
異之取放庭樹間少選偕去噫物類相感其殆深於情  
耶記之五言二百字時道光庚子初夏  
鳳子何翩翩紺縷劇蔥蒨有若曳綠衣而以雲錦綠雙

眉染新蛾兩翦拂乳燕庭榭小徘徊料是孤飛倦胡爲

苜蓿閒

語本古樂府蝶蝶行

尋香漫畱戀乍辭連理枝遽上合歡

扇野雉詎爲媒游蜂莫輕晒猗彼故園侶不隔平生面  
飛飛獨相尋相依若相信因知仙靈使芳心貞百鍊飄  
零褪粉衣晨夕共輾轉吾聞維摩詰眾生與方便愧非  
古押衙異術敢鬻術開籠放使歸神光繞庭院初如餅  
師妻淚頰罷歡宴須臾忽遁跡捷去若紅線雙雙宿花  
房深深度芳甸奇麗勿自矜文采任隱見生涯謝春風  
不以輕薄賤我將志蟲天爲爾作佳傳

大人成放蝶詩命銘恕應溥同作敬次元韻

銘恕

改名炳森

南陔風日佳，士子樂蓓蓓。我公愛物心，初不事飾緣。  
憐彼玉腰奴，忽逢養子燕。開籠使試飛，附枝力猶倦。  
上階故遲遲，意若主恩戀。舊時雙蝶圖，寫入白團扇。  
花陰與堂前，四蝶相顧眄。神光詫陸離，省識春風面。  
有如羈客歸，驚喜雜慶唁。芳心秉堅貞，花骨益鍛鍊。  
憶昔抱簫翁，陳範川太史嶺外征帆轉。羅浮蝶繭攜，風送  
鴛湖便分贈。及親朋奇麗，相夸衍新蛾。出簾柙栩栩，  
掠小院金粉飄旖旎。香國恣息冥，陡思十年前光陰。  
瞥一線仙蹤，訝相同翩跹。逐花甸大似古神雀，郡邑

得屢見野蝶逞妖嬈品彙終瑣賤何如此仙靈可附  
葛翁傳

應溥

綠蝶來何從穿花倍峭倩伊誰折花枝起舞掠袂緣  
豔如點黛螺輕如銜泥燕栩栩各知還又如客游倦  
不虞獨分飛芳叢尙依戀薄粉剛曬衣輕羅忽投扇  
詎從亭榭過翻向箱籠眇

射雉賦眇箱籠以揭鬚

弱翅觸四隅

密網開三面逸態得昭蘇舊侶若慰唁破鏡感重圓  
故劔珍百鍊文采本天生大化任流轉料爾雙雙飛  
快逐東風便如何蟬翅黏無乃雀屏銜幸茲返故園

時或來吟院陔蘭暢和風簾櫳好息寔分付九張機  
貌爾五色線不然伴仙蝶尋芳近郊甸太常寺有仙蝶大勝  
菜花村游蜂共潛見莊生妙齊物品勿論貴賤且賦  
逍遙游待補仙巖傳

題梓廬先生牆下小軒圖

并序

乾隆庚子朱梓廬先生由嵯縣教諭膺薦奉母家居於  
詒安堂之東闢地種桑築牆下小軒爲憩息之所其明  
年曹種梅廣文爲作圖并題五古一首蔣春雨明經王  
秋塋明府暨我家百泉檢討皆有詩道光庚子文孫生  
白茂才由庚出遺冊見示先生下世已二十九年矣槍

然敬述

先生年五十始築牆下軒奉母娛老福會友開清樽小  
子生苦晚未獲侍盤飧其後三十載故老無半存先生  
壽而康幸接顏色溫坐我秋樹底舊事爲細論一編親  
付與六義探淵源曾蒙先生手授詩稿我年忽半百尙未窺籬藩  
冷齋少問字無人共寒暄時懷同心侶喜見名家孫奉  
圖屬題詠把卷窮朝昏默數落成日甲子周一元澄鮮  
閣何在曹廣文所居春雨蔣明經齋名惟斷垣丁辛失老屋王明府爲  
穀原先生何處尋芳蓀葯房百泉先生與梓廬猶幸枝葉繁  
兩家若同姓情誼夙昔敦千秋互攻錯少相攻錯千古許先生懷檢討

句 辛苦培其根先生本儒官德望眾所尊膺薦宰雲中

治獄多平反田家樂眞率往往停車轡勸耕歷遠塞間

俗周荒村選勝與同游父老銜深恩大書署異妙壺山

鎮邊屯先生於廣靈縣壺山築異妙軒故鄉宅未拓仍此五畝園信知

愛廉隅不負平生言先生自題牆下小軒詩云自愛詒廉隅方角柱未辜風月直櫺窗

安堂前桐先生有種桐詩歲久實愈蕃牆桑亦沃若扶疏庇後

昆傳語七葉郎先生得長曾孫取小名七葉郎有七葉蟬聯喜見之句善守通德

門

盤谷硯歌寄酬衍石兄 辛丑

少讀昌黎集夢想盤之中大行山字老未識何緣腳躡

當錄也爰紀以詩令兒曹同詠焉

唐君得甄古佛閣赤烏十二年所作

甄文赤烏十二年作六字是年

鼎出臨平湖東館燎祭烏銜鵲臨平湖開天墾元天冊

改元之明年銀尺不畱畱城甄

吳郡得銀尺因改元天冊

巧工字在

吳郡鑄

吳郡巧工見天發神識碑

吁嗟乎堂邑作塘曾幾載符瑞爭

誇鬼目菜不遏東關保襟帶翻思入洛飛青蓋巖山石

室國山陰碑文斷缺莓苔侵此甄出土豈天發想見銜

璧由荒淫江東霸業自破虜仲謀繼之亦英主太初改

作武昌材尙解卑宮潮神禹海昌都尉

陸遜

海鹽長步

代秉台司號良輔

二人爲丞相在赤烏七年至十年

惜哉不諫紀嘉



祥致使甘露鳳皇法其祖君不聞井中玉璽非國華歸

命之堂奚取耶

用裴世期論  
傳國璽語

詩既成或曰董昌僭號亦稱天冊安知此天冊孰必  
爲孫吳耶余謂董昌建元天冊雖見於唐書而通鑑  
謂建元順天署城樓曰天冊之樓考異據吳越備史  
羅隱撰吳越行營露布十國紀年以辨會稽錄天冊  
之誤詳哉言之矣況昌僭號越中武肅王卽舉兵討  
之縱以天冊紀元安能號令及浙西哉此輒出於海  
昌爲孫吳無疑附識以質博雅君子長至日甘泉鄉  
人錄稿於可讀書齋

銘恕改名炳森

玉版金璧書不載丹雘白鳩史不記帝王之寶別有

在侈陳符瑞由叔季赤烏及天冊後先若一致二甄

分明建元誌何不并鐫天平墜成字

天平墜成字見國山碑鹽

官圖樸畱古風不與石函固碑同獻媚篆書仿佛皇

象筆綽有孤飛獨舉意

天發神識碑爲皇象書袁昂評象書如音韻繞梁孤飛獨

舉寶文塔旁肅兔亭三女堆前覺王寺

孫吳時遺蹟均見州志

古甄偶出亦堅緻不如此甄甲子可考代可計江東

傳家存世系

舊有三女堆甄硯惜無款識

吁嗟乎赤烏之政遠遜

黃武與嘉禾十三年廢太子和太子之子後歸命天

璽瑞應乃在司馬家叶妖孽卽由禳祥伏人主不悟  
理則那君不聞漢武芝房寶鼎歌般般濯濯休徵多  
長生未央果若何瓦當流傳徒令弔古頻摩挲

應溥

孟冬坏城致令辟古甄出土苔花剔織文若布堅於  
石建元分明紀天冊其旁古泉惜不存或者大錢當

千亦如工名勒

聞紀年下有古錢形爲圻者毀去

右方雖非手掌形

積古堂外此無敵

儀徵阮氏積古堂藏天冊元年甄右方有手掌紋

況有赤

烏之甄脩盈尺先後藏弄成合璧秦漢瓦當皆辟易  
我思仙人鐔名遲謫詭孫郎收之肆諸市蒼龍門外

神第立感志識緯大帝始石印朱書喜泐銘孫繩祖  
武獨此爾吁嗟乎吳蜀相依如脣齒蜀室既毀吳何  
恃魏宮銅雀亦瓦解司馬耽耽久虎視天冊之際勢  
孤峙皓宗曷不承前軌木楨葦席堅壁壘疑城再築  
張角犄金陵王氣壓九州那止揚州作天子橫江截  
鎖飛將來玉石俱焚誰致此惜哉甄官得璽僅五紀  
江東霸業長已矣豈如二甄逾千祀永與鹽官之城  
鎮海涘

高字甄

海上戒不虞築城以爲備重光赤奮若良月實興事腐

儒禁高梁素乏挈瓶智全性期市門焉能助高議圻者

手一甄屬余辨文字惜無古紀年造作昧所自五望果

何屬

高氏出渤海漁陽遼東  
廣陵河南五望見廣韻

其名亦失記篆形臺觀高

倉舍與同意字原攷說文口廩繼詮次京高宮必滿來

麥獻嘉瑞宮滿將畷收向稟取多積作亭安定民

亭字  
从高

省喜見飭吏治於易巽爲高擊蒙禦寇利眾心城速成

敢以瀆高位

銘恕

改名  
炳森

靜坐忽聞邪許聲登高而呼聲轉清霜凝萬樹初凋

葉月落千杵齊築城城頭舊甄偶出土高字分明點

畫古臭味待成金石緣搜考宜編氏族譜度高以高  
古所云定中龍見土功勤魚鱗鬱鬱秋橫水雉堞我  
峩曉轟雲烽青海上嚴刁斗待作三城降者受建瓴  
高屋勢無前輩若金甌歡九有羆貅帳下擁星旄緩  
帶輕裘勝算操橫行萬里男兒事至今猶憶高敖曹

應溥

雲烟過眼百不有惟有篆刻畱永久此甄斷蝕淪冰  
霜乃以一字供收藏缺月隱霧光磷彬陶自何代工  
何人鞏如磐石世所寶舊事或訪渤海陳海昌陳氏  
系出渤海  
舊得吳惠贈渤海師相宣和築城此日并幹勤彼執  
硯銘曰正立朝端鞏如磐石

藝者功無焚我儕高談通史傳籌海之圖幾曾見越  
山隔岸橫長巒孤城兀峙迴狂瀾升高作賦興苦索  
惟以運甓忘嚴寒寒風怒號滄海立大波欲凍老蛟  
泣雪光濛濛陣雲黑遙思入蔡成奇策手撫此甓三  
太息寄語拔行須努力君不聞河上翱翔刺高克

曹水農甓

七月廿五日曹水農作九字亦得於城關水字中直略缺或釋作太字

七月廿五日某年缺款識作者曹水農無乃烏曹類曹

字合石經

張參五經文字曹說文曹經典相承隸省曹石經甓文作曹

勒名亦古義

日月詳誌之定不負省試冷官竊微祿安坐無所事頻  
年事校讐計日每荒棄

前輩讀書每記日月於卷尾余校史漢諸書亦按日記之然多

曠廢

天遣運甓勞乃與古甄四

孫吳甄二高字甄及此甄各一粗材貴

磨礪厚質必陶埴城闕愧風詩幸不專城寄位卑敢言

高所思懷出位投劾倘歸田名可水農厠耦耕失詩翁

春波誰共醉

曹種水翁住春波坊歿已數年

持配施令英學圃願把臂

代嶺舊居名學圃近得永嘉六年施令英作甄錄急編次柳東著甄

錄

銘恕

改名炳森

吁嗟乎名之顯晦信有天託於文人之筆斯永傳水

農名不紀簡編名亦傳兮由此甄乃知各執一業果

靜專何論士工商賈與力田惜哉上方缺紀年款識



僅得日月全陶旗之工細且堅比似圖于蜀師王臬

誰最賢

張叔未丈有漢磚圖于氏作晉太古者食焉  
康甄蜀師所作晉太安甄于臬作

無怠事月要歲會嚴察吏虹見桐華審楛良日尾昏

危辨功致手饅衣食終其身王承福能知此義從來

業精必於勤欲識工良觀其器吾聞曹氏世系昆吾

同陶始夏伯見古志又聞烏曹作甄工搏埴水農氏

或王父字有如掌庾大夫官可世坏城出土亦天使

脩街之甄同一例

嘉慶庚午禾郡修集街  
於上中得宋時修街甄宗仁宗義

宜聯金石契

泥水都料邵宗仁  
宗義名見修街甄甄兮甄兮製硯堪著

書他年攜汝返故廬沈存周之錫斗張鳴岐之銅鑪

朱碧山之銀槎周北山之匏觚吾鄉清供羅列左右  
俱年年七月廿五爲汝壽我願耕且讀兮長共汝以  
嬉娛

應溥

昨者摩抄孫吳甄甄文完好畱紀年此甄何幸得相

匹所惜款識難兼全上方剝落存日月亦如石闕之

銘傳少室

少室神道石闕銘有三  
月三日字而缺紀年

誰歟作者曹水農

勒名考成法嚴密我思二十并廿字體別古文省多  
叔重說廿有六年溯秦碑源自考工故書出三十爲  
并其義同五經文字歸一律陽月念五始誤念宋人

題名沿俗筆

亭林謂以念爲廿始於宋開業碑題名詳金石文字記

此甄點畫

獨無訛結體雖非隸與科字有古法自不磨流傳幾

代今乃供搜羅吁嗟乎富貴過眼如奔濤操鋸甘處

賤且勞水農將無巧者流搏埴之名千載畱甄兮甄

分匣而藏之宜鐫圭璋字曹翁銘硯同位置

曹種水丈曾爲

大人銘金帶硯曰公玉帶圖明堂匣而藏同圭璋

但願三農年年大有樂租

稅我亦坐擁硯田無惡歲

方雪齋學正

成珪

得天冊元年七月造作甄旁

有錢文作詩索和

旁舍忽見天冊甄恍如甄官井璽缺一角錢文有二其

一全大泉當千字斑剝吾聞魏晉錢五銖國豐刑省如  
漢初蜀錢直百平物價五銖亦嘗行成都一當五百不  
堪重直又倍之古所無孱陵賜錢固辭謝空名爲患何  
取乎爰鑄器物示省息私家所有府藏輸後來孫氏錢  
雜出比輪四文輕重殊或者民思舊物不可見乃於令  
辟存形模方君得甄平昇直官市足當錢一億制爲璋  
硯璋硯原比牙璋馬上飛書能殺賊磨甄作鏡我無成  
運甓徒勞頻太息

許伯堽刺史

發和

屬訪古甄旣得嘉禾三年甄

謂余禾人也割愛昇藏賦謝

壬寅

嘉禾三年輒得之自唐叔

此輒亦省三上舍物色得之

我請假許田

歸耕補禾錄工名丙彰字不全遠祖應推齊丙歎東閣

祭酒非等倫

郗原黃門名倡同氏族

丙彊見漢書禮樂志清儀閣

中遺羲娥

張叔未所藏赤烏永安等輒俱收入新修府志獨未見嘉禾輒清儀閣叔未藏弄古玩處

九蓮池旁騰寶玉

輒在延恩寺牆角

使君好古如愛才冷官得

隴更望蜀乞藏取配赤烏輒天冊參之成鼎足禾興故

事數從頭海上奇珍爭刮目逸書漫補嘉禾篇倍屈贅

牙恐難讀但願由拳野稻生三農共飽豐年穀

偶至白馬廟訪青雨上人見其大弟子體泉所

藏澄泥硯制作古雅醴泉工畫因以南蘭女

史畫冊易之并贈二絕

乘興來參詩畫禪山房茶夢幾回圓

青雨有茶夢山房詩稿

卻將

眞手持眞硯定是三生有鉢緣

老樹如龍護斷垣六塵飛不到山門靜中合有曇華現  
一笑拈來奉世尊

衍石兄寄示得曾孫志喜詩次韻二首卽祝兄  
六十壽

開緘春帖子鮮新四世添丁快此晨我始有孫稱大父  
余昨歲誰能述祖法先民同持門戶期他日歡會家園  
得孫不隔旬但願兒曹文質備中山著論各彬彬

長孫抱子同稱壽吉語聯翩頌史晨

姪婚史叔平孝廉  
首作賀詩寄示

家慶延年更延澤

叔父顏所居  
之堂曰延澤

文昌司祿亦司民詩傳

得印欣連日

兒以開印日生名之曰印  
余前數日讀兄  
夫冬賀戚英甫得印詩  
即得生曾孫之札

奏報成隄越兩旬

汴河大工以二  
月初八日合龍

洛下騰歡來士女於

菟繡祿看頒斌

次韻題梅會里王茹園

芳東皋荷鉏圖

蘇秦縱游說辨口如流泉要知六國印不敵二頃田況  
今海波靜耕鑿逢有年請看遠戍卒喜賦還率篇島夷  
效職貢永息烽火傳樂哉東皋子飲中契眞仙內養得  
道妙外物無因緣愛客具雞黍不惜囊中錢我願結茅

屋與子村舍連關心話桑麻握手度陌阡三杯夜賞雨  
一鉏晨耕烟何幸免荷戈醒醉皆陶然醇風共里開庶  
幾追昔賢

又題梅溪舊宅圖

二張

蓮舟

馮柳

史竹

南

曾同社有約梅溪共結鄰惆悵舊

交零落盡一枝相寄更何人

溪上梅花三百株比聞管領屬潛夫會當一訪校經叟

李薌

社丈

來看君家萬玉圖

題脩川徐琴譜

相文

秋林覓句圖

伊人抱秋懷涉境輒成趣悠然世慮忘於物亦無杵靜



中有妙理象外得佳句足已良自怡那用歎遲暮自題  
有那  
得不速  
老之句

戴小松茂才

塔成

爲松門明經

光曾

哲嗣馬古

芸蔣花隱嘗寫懷松圖以貽之道光壬寅冬

日小松奉圖見示感賦

我鄉稱清風俗外慕二戴

謂松門及其兄壽泉

落落澗壑姿豪氣

壓流輩文章肯矜奇兄弟互友愛佳句眾所誇謂足南

野配

松門昆季皆爲吳澹川翁高弟

偉哉松門翁我少嘗接對瘦骨凌

雪霜高論破拘闔不怨匠石遺絕洗庸俗態送老撫庭

柯慘澹冀千載何人抱遺編有子懍惇誨遂倩碧蘿生

潑墨寫蒼黛蔣君亦成圖著紙露礫礪小松能仰承肅  
若瞻泰岱老松廕庇之風雨聞警欬猗歟君子樹餘澤

厚灌溉我家壽萱堂一椽幸尙在先人手植松

鄰叟贈盆松植

於聽事房先曾祖有詩紀事

清陰護堂內所嗟同堂人飢驅各分背

藩籬孰維持庭宇恐荒穢平生風木悲微祿養不逮茫

茫無根蒂柘蔭

先祖丙舍額

愧奕代有如臨路松爲明苦斫

刈何時逢仁恩託根免蟻潰披圖望故廬令我發深慨  
敢云抱貞心倔強蟠磊塊

王石喬司馬

德寬

招集朱竹城茂才

屨

小園賞

牡丹用竹城韻

癸卯

共喜時平數舉杯今年花亦十分開盛衰自古名園候  
富貴須從厚地培彩筆延春春肯住

司馬爲竹城題  
紅芍春還額

主

人愛客客頻來繁華未許多畱戀莫怪津亭騎吏催

是日

以迎大府  
未能久坐

徽州程君木庵

洪漸

博物好古延海昌六舟上

人達受

爲拓所藏鐘鼎彝器款識六舟贈以

蔣氏別下齋叢書木庵見余曝書雜記深相

契合讀至第二卷知余未有通志堂經解因

以儲藏副本屬六舟弟子虛山攜贈訂交賦

誌二律

九經一百四十部唐宋元明眾說殫近愧專家忘舊業  
遠煩善本寄新安交論異地勞相賞客詫奇緣索共觀  
一藝未通嗟已老短書敢詡合叢殘

平生恨未識程元間道山居述作繁絕品銘心勤譜錄  
奇辭奧指癘根源漫誇博士書驢券難共高人隱鹿門  
韻事流傳到儒釋遺經善守助兒孫

程君所寄經解是乾隆二十九年胡公季堂官江蘇  
按察使取織造府藏板脩補印行者前有胡公及彭  
文勤公序誌其緣起檢閱坊間所刻彙刻書目則少  
孫氏覺春秋經解十五卷此本所刊目錄實無之借

觀渤海陳氏所藏康熙年印本亦無孫氏書彙刻書  
目所據是何義門閱本或初印有之而後卽缺失歟  
聞孫氏春秋經解有單行本當購補警石記

通州徐韻生孝廉

維城

客海昌與予父子交甚

密今將言別賦贈二律

干戈曾惜別

去歲四月  
君至維揚

此別亦悽然聚散真難料交情

期益堅才能與時伍生肯受人憐末俗驚殊異磨稜未

覺圓

頗怪甘牢落蕭齋數過存兒曹成舊識文字共深論循

吏推畿輔

君大父刺史  
公多惠政

詩家重海門

丹徒鮑海門徵君  
臬君之外曾大父

高堂猶旅食

尊甫竹農翁客粵東

願不負淵源

呂幼心先生輓詩二首

白髮朱顏記尙真當年侍坐影形親聽談世事常侵夜  
催和詩篇爲賞春但有情深憂水旱幾曾官罷歎沈淪  
小文擬補毘陵志匪感恩私被一身先生與惲子寬刺  
史同爲陽湖人海  
昌學官弟子奉長生位並祀奎星閣余曾撰惲侯政績  
記刊置壁間先生還家時余有文送行亦擬付刊言雖  
不文皆無

愧詞也

桐江政共浙江成曾酌涇源不改清

先生曾任安徽桐  
城縣甘肅固原州

皆有

惠政放廢豈關

天子意循良畱待史官評暮年歸里仍開塾頻歲防鄉

偶論兵漫說無田買陽羨胡公遺視子孫耕

先生藏胡忠簡公小

視像

同人於朱竹城小園看梅後數日竹城自茗南

歸以詩見投次答

甲辰

吾愛吾廬

門有鄭谷口八分題扁

足養真孤芳自賞水之濱梅花

高格脩難到況與梅花作主人

從君一席乞波餘來問東家肯賣書按季好花開次第  
看花排日此權輿

安瀾舊事問園丁曾聽霓裳按小伶幾樹寒梅已消歇  
盡將春色送新亭

花時作客未曾回，讓客花間結伴來。  
佳句先成邀客和，名花端爲主人開。

特齋先生

爾琳

輓詩四十韻

五龍橋下水鳴咽，向南流

先生近上居橋南

急計飛航到連朝

滿坐愁草堂驚楚，些燈市罷吳謳曩。  
跡堪覩縷平生仰

信脩鴻文推里社，家法踵陳畱

明初菊莊先生著陳畱集兩涯公臨江公皆從

問業何幸諸昆後，容陪弟子儔

從兄學山壽先受業

頤和春澹沲

蒙稚夜伊嚶，得埽生塵榻。  
初歸借麥舟

嘉慶丙寅秋先君喪歸丁卯春

世父延先生課讀於頤和室

孤孱紛涕淚，引掖荷寬柔。  
音肯鐘莛發

威辭夏楚收，研經刪讖緯

泰吉少喜雜學嘗校古微書先生戒其翫鶩

析理



辨薰蕕陰惜分兼寸思精矩合句

先生精算術

正心書繼柳

好古筆宗歐長日教無倦殘燈語益稠窺尋慙脈望迅

逸賞驂騮幸厠諸生講終貽母氏憂客題門上鳳人笑

棘端猴鍛翮思冲漢飄蓬易感秋劬勞嗟莫報疾疾遂

難瘳負土趨新隴凝霜撲敝裘

丙子冬上葬先考妣先生衝寒助其役

哀

情迷所向疑慮爲成謀

是時幾或形家言賴先生決其疑事詳吳榕園丈札中

實

有觀支妙因之故籍摻晴溪呼野艇海色望山樓相度

如營室規模似畫州先塋圖可久

先世墓圖皆手繪至爲精審

耐觀

奠諸幽

恬齋方伯葬族人數十楹於漱上先隴之側先生經營盡善

宗袞頻虛席姻

連亦借籌中年多侘傺晚境稍優游

先生妹適硤石蔣氏晚歲常客硤石

據德衷常定安貧世寡求閒閒忘寵辱粥粥泯恩讐玉

碎看存玉

先生晚有二子

車成竟缺鉢

語本管子炳華學有成而

先生長子故

云老吟孟東野

東野老恨詩無子鈔文字老吟多飄零

至行庾黔婁星斗

胸羅燦烟雲腕力道怡情惟弱翰資治跂經猷

喜讀資治通鑑

一歲數周

舊業時相質新牋每遠投述懷通肺腑問病恤臞

朕頓使膏肓起仍從道義諷殷勤期學海瞬息歎浮漚

藏篋書猶在傳衣願未酬寺鄰催晚唄

先生居近真如寺

惟寢

薦寒羞彈鋏悲窮士還憐一蒯緌

程甥淡如亦從學於先生近與先生結鄰

時蒙存問

送平越楊曉東明府

裕深

移任仁和二首

憶昔羽書劾午日吾禾安堵賴賢侯宵巡里巷嚴於晝

晨揖軍門懍若秋

悍卒叫於驛庭明府謁大帥以去就爭之得不擾

苦爲流民

貸倉粟笑看散卒解吳鉤

奔散義勇給錢收兵器暴橫不可制明府正言戒諭之皆

帖燕南趙父循良選

滿城趙芑堂先生諱敵嘉慶年治吾邑最久三十年來人頌惠政不

衰捍患如公更寡儔

鴛鴦湖畔水南流分得恩波海上州

癸卯秋由嘉興權攝海昌

異地

新猷看措手故鄉舊事話從頭頻經左塾何多暇惜枉

高軒只暫畱廟貌巍巍長仰止勉偕多士勵潛修

海昌修學

明府助成之

題嘉善陳梅亭

廷珍

記其弟竹亭茂才

廷珪

事

實後

陳君頻過我示我哀痛詞述弟賢孝行紀實語不欺十  
三學大字字體尤倔奇賣文兼賣字舉室賴舉炊十五

訓童蒙得錢不自私以爲滫瀡具以佐藥餌資

尊甫以岐黃術

客乍離水火盜賊際生死父母隨嗟哉純孝心蒼天應鑒之

柰何未半歲父病不可醫辛苦侍阿母瘦骨嚴霜支逾

年遂死孝兩兄涕漣洏仲兄擅文筆請業曾名師

徐雪廬山

人意氣壓儕輩議論祛毛皮苦心孰見賞俗眼不敢窺  
何爲屢相訪自春及今茲邀我作文字一泄令原悲嘗

讀魏塘志孝義懷芳規授徒養老親執喪如嬰兒盛年  
蘭蕙芳遽共椿萱萎曰有孫在公至孝眾所推奉母避  
鄉曲寇盜充斥時鋒刃雖屢櫻履險益坦夷曰有蔡宗  
孟孝行感赤眉撫卷每太息古風渺難追豈意有陳子  
足振薄俗衰有明倭奴變捍海哭守陴死節死忠者憑  
仗史筆垂往者海揚波乍浦城孤危文臣孰死職戰士  
孰死綬大府有章奏 賜卹典不遺吁嗟里巷民逃死  
死路歧安得骨肉閒出入相扶持亦有志節烈守身誓  
不虧一門死大義一并聚眾屍迨乎事定後採訪勞有  
司名姓不能備鬼哭風淒其我慙筆力弱所聞空傳疑

君時客其地十或一二知願君濡大筆傳記若豐碑自  
家及於國庶慰千秋思

甘泉鄉人稿卷二十三

甘泉鄉人稿卷二十四

嘉興錢泰吉輔宜

可讀書齋詩下

志館前桃樹作花用曹杏庭茂才

錦堂韻乙巳

頻歲何人過今來一賞之幾曾矜絕豔似解惜芳時細  
讀淵明記還參吏部詩武陵半真偽載筆莫傳疑

小庭牡丹盛開應笠湖明經

時良

寵之以詩用

韻奉荅並貽鍾署香

繼芸

潘稻孫

詒穀

曹杏

庭諸君子

會倩河陽種花手冷齋移植得芳菲

牡丹初種時稻孫讀書齋中

雨

風笑我蘆簾護臺榭看人繡幙圍謝舅何甥共相賞署香

為笠湖

姚黃魏紫漫云稀卻憐富貴浮雲者用少陵丹青引語謂

杏庭縱寫丹青貌不肥

海棠開罷笠湖無詩戲成一絕

海棠莫以無香恨花未開時蜂已來可惜詩翁如杜老

蜀中辜負錦千堆

樹蘭 并序

廣業堂前有花樹一本暮春時細朵叢開花葉一色其香若蘭而更幽花瓣若梅而四出微尖心若小石榴而白土人名曰淨瓶花亦以花心所似而名也然花譜未



收他處不多見笠湖檢羣芳譜目爲樹蘭因用笠湖桃  
花詩韻率成一篇以俟博物

庭樹不知名花開香繞舍從俗呼淨瓶考古我未暇今  
年打頭屋下楊詩翁乍聞吟共唱酬得酒相邀逗問我  
花何名我慙汗欲下牡丹愛繁華海棠惜嬌姸

皆庭前所有

孤芳賞獨遺春風任開謝廿年但聞香心早與之化騷  
人悵難逢異書誰肯借詩翁謂此花品足壓園榭賽蘭  
非匹儔樹蘭殆流亞願爲續花史清閒趁休假怡情愁  
可忘鬪韻險莫怕爰從初開時玩賞及凋卸能同橘柚  
芳肯共桃杏嫁結實小而甘落英軟可藉

秋深實如金  
彈惜花開易

謝暮春落英滿地庭若  
鋪茵及秋結實無多也  
草木疏未詳檢書枉晨夜定名  
無可名欲罷不能罷韓門有老友讀書能補罅折枝寄  
臨安報章待迎夏

笠湖有定憶同心老詩友  
一枝珍重寄臨安之句

朱藤詩屋老藤蔓延屋背有年矣昨秋縛架初  
成花時始可玩賞董鑑西學正

長庚

招飲作

歌

種藤自何年築屋已卅載

嘉慶丙寅餘姚朱少仙  
學正題朱藤詩屋扁

刺簷

蓋瓦老屈蟠冷看屋底詩人迭更代以藤爲戒銘座隅  
廣川先生香山徒長條柔蔓受約束烟霏露浥相縈紆  
翩翩紫燕梁間語玉蝶尋春日當午燒筍開樽拓窗戶

飛花片片筵前舞連朝風雨今朝晴主人愛客天王戊  
酒闌忽憶舊詩侶謂方雪齋何時花下重合并吁嗟乎男兒  
倔強誰位置束縛隨人豈天意故里襁褓未有期

帝京景物猶能記漫說吏部廳那問海波寺嬾眠衲衲  
嘉慶壬戌侍母寓於此青藤花曾傍花陰我嬉戲藤花藤花今有  
無我亦朱顏異童穉眼前花好莫沈吟詩屋千場且狂

醉

附程甥作

舅氏與諸君賞花賦詩各成巨製菊孫愧難學步聊

賦短章以附末簡

幾樹桃花誰手栽  
年年常傍泮宮開  
生緣得地能超俗  
豔體何人敢賦來

桃花

有美於中必善藏  
閒將物理細推詳  
自來尤物能招忌  
花好何須更露香

海棠

桃李紛紛開罷時  
春光纔到此花枝  
能教富貴偏教晚  
多謝東皇費主持

牡丹

香較叢蘭十倍清  
幽芳肯與眾芳爭  
何勞花史相題品  
高士從來不著名

樹蘭

老幹如虬屋角遮  
縱教束縛尚盤拏  
未應嫵媚供娛賞  
誤被兒童比豆花

朱藤

趙子昂管夫人合畫竹屋小景爲湖州高廉舟

廣文 文祿題

一家書畫空前古天遣聲名冠大都縱有苕溪可偕隱  
故園竹徑柰荒蕪

清遠吳興畱粉本小亭想像是鷗波君家自有房山筆  
持較昂公果若何

乾隆戊子王白齋國石堂兩先生與試江南皆  
先文端公門下士公寄贈三絕句白齋先生  
依韻以和公手錄唱和之作贈莊葯泉觀察  
道光乙巳三月觀察從孫 藹人 傳示屬題敬

次元韻

清芬我愧荷門資遺墨煩君出示之一卷撫言傳故事  
南宮又見策名時

命題暮夜四知參肯使諸生爲植藍廣誼園開惠全浙

粟分鄉黨可無慚

江甫戊子文題爲憲問恥九字白齋尚書於京師構廣誼園以葬鄉人客

死者

古書磊落孰澆胸漫詡蓬萊第一峯何日屋東西夜讀

濤聲相和蔭高松

聽濤軒松爲文端公手植公有聽事東西偏屋聽子孫讀書詩時子姪及

從孫四人應禮部試故云

武林汪劔秋

出示陳心壺夫人玉臺教文志

屬題藝花偕隱圖

汪君慕巖壑不踏九衢塵樂志有女士著作已等身玉  
臺足千古吾儕空冠巾何年攜婦稚來結西湖鄰助君  
譜花史共作耕桑民

以衡州常南陔廉訪

大圖

重刻率更小楷千文

贈蔣生沐

光煦

生沐報以漳蘭四盆邀笠湖

署香杏庭稻孫烹臨安新茶賞之并出族父

少宗伯公畫蘭數幀展觀移時賦寄生沐

潭印閣中藏古香重摹墨本蘭麝芳乞身循陔潔白養  
壓裝載石歸三湘前年送別風雪際贈我二本俾儲藏

蔣君邇來富墨妙佳刻喜得英光堂

生沐近得岳倦翁所刻米帖

欲

師米老錄待訪寶章一一加評量率更千文惜未見索

我分贈手自裝夜航船到得芳訊名花滿擔奚奴將恍

然置我眾香國南面侯欲封都梁以城易璧事或有乞

漿得酒非所望急邀同心友同賞清坐消此清晝長欲

寫溪藤遲畫手

管芷湘工畫蘭時在生沐所

且淪山茗撐詩腸我家

宗伯有遺墨是日盡出鴉叉張枝接枝生榦交榦左旋

右旋葉低昂

二語用朱梓廬先生題畫蘭詩

送芬含馥自何所是花是

墨徒猜詳我不能畫味書理斂手近更如蠶僵晉唐小

楷東高閣家學那得傳青箱冷齋差幸似空谷善人相



與來徜徉撫琴試鼓猗蘭操不採而佩夫何傷

題學解大門內井闌文拓本

并序

義泉二大字頗類蔡君謨萬安橋記又刻八行曰本邑  
奉佛弟子許瀆謹發誠心備已財一力開此義泉壹口  
所將功德專爲□薦亾妻胡氏七十二娘子往生淨土  
者口歷□□三月□□□文多漫漶細審之始可讀道  
光辛丑春六舟爲余拓此文謂七十二娘子元以前乃  
有此稱斷非明神宗時也余讀嘉靖蔡志已錄儒學儀  
門內義井則六舟之言爲信州志明初有蕭山尉許瀆  
者去官歸菽圃以居自號學圃考之靈泉許氏譜其妻

非胡氏當別是一人又有康熙丁丑重修六字則此井  
重浚亦一百五十年矣乙巳夏日曝書檢得拓本因詳  
錄之以補舊志之闕并系以詩

井闕字模糊建元失年紀其文可辨者猶得存姓氏胡  
氏許瀆妻七十二娘子瀆也思薦亾一力爲開此嗚呼  
伉儷恩誠心乃如是淨土果有無功德信莫比此泉永  
永存亾者亦不死我無投轄賓閉門弄書史雙桐潤生  
雲美蔭清如水雙桐生空井魏明帝猛虎行句學舍前後適有雙桐惟聞憫雨謠  
已聒農人耳區區一勺甘救渴那可恃再拜願飛泉雷  
車疾於駛萬井俾騰歡婦各依其土時方  
濤雨

夏日孫蔭廬

榮桐

以所藏康熙甲子項東井奎

王竹田

筠

爲許巢友

箕

畫冊寄示畫固清絕

題句冷語逼人尤耐尋諷兼旬展玩炎伏頓  
忘惜不能久畱爰括冊中大意作小詩六首  
冷齋客至與其味之

冷許結冷友所畫皆冷境高士彼何人未許共此冷

巢公

題竹田畫云世之所謂高士有田有屋有錢帛閉門自  
謂高士一啟門而高士之名遠播云云其傲視時流可  
以想見

其詩與其人要皆情性真

第三幀跋云過爽溪與友論  
詩大要不本於性情其詩可

知其人

奇寒成獨詠那知天地春

又云季冬二日其寒  
則甲子歲之第一日

也

鄉里論交者熱周非我徒

巢友嘗戲語周青士曰與爲熱周簡爲冷許見橋李詩繫

黃童白叟外

冊中黃生多題句有印曰黃童白叟

或者有狂朱

朱願爲字不爲亦從

海昌遷梅會里與蔡耀有癩蔡狂朱之目見梅里志

益以善富油何乃造口業偶然生熱腸爲說最初法

第六

幘題詩三千無異士七十是常流云云自跋云憶童蒙時所誦習者補輯成句或有師我以是授之庶不失最初面目又云除夕以十五日益以善富中油造此口業善富我未以號竹燈檠也

竹田著冷墨冷氣出胸臆卻怪東井翁猶有好顏色

東井

多用青綠竹田所畫蕉竹純用墨

小青藤館主抱影老一巢

冊首徐盡軒明經題跋極詳盡軒閉戶撰著亦有冷癖

我詩附其後亦以識冷交

附徐蓋軒跋

畫八幀其七皆項東井筆東井易庵從子畫宗家法  
名亦與易庵埒而所流傳者較少此冊蓋寫贈許巢  
友箕者巢友善歌詩格韻清邁尤工書法具有晉賢  
風度生故明天啟癸亥人 國朝以逸民自處由海  
昌徙宅吾禾之梅會里嘗爲秋岳曹司農所知謂是  
嵇阮一輩人蓋以高潔介特與之近也畫成於甲子  
是爲康熙之二十三年東井自跋言已與巢友同庚  
交久而洽則畫爲六十以後作以老筆貽心交宜尤

用意爲之也其後蕉竹一幅別爲竹田王筠筆筠亦與巢友同庚名未著於畫傳而點筆秀逸與東井雅相近畫之副葉皆巢友所自題句閒綴跋語語往往近牢騷畫每幅亦多著題字又有黃生白山者雜題其閒字有真有草細逾蠅頭而筆極挺秀玩其詩句與巢友如出一口度亦彼時隱君子也友人孫蔭廬茂才偶獲是冊詫爲三絕出以眎余余於巢公之書若詩蓋嘗屢見而心好之若東井畫之善則心知焉而未之見今睹是冊洵乃璧合獨惜王黃二子之姓名僅見諸此而未獲一述其梗概耳道光甲辰夏六

月觀蓮節小青藤館主徐錫可書

學宮古桂二樹其一於二十年前脩學時爲圯  
者所損今僅存西廡一垂蔭半庭碩大繁茂  
東北隅補植一株不啻孫行矣花時諸君子  
有詩余亦繼詠

雙榦一先神物化

用東坡句

廣庭猶得廕扶疏人誇異瑞攀

高第我愛清陰讀舊書林下自來無雜木香中不獨憶

吾廬

余家壽萱堂老桂四樹

森然雲挺西江院共說先公手植初

江西試院雙桂先文端公乾隆丁卯典試時手植  
森然雲挺記吾家擇翁少宗伯公試院雙桂歌句

學宮補植花木志館諸君子喜而有作荅和一

篇

隆冬種花花未開詩翁已鼓看花興我慚作計廿年遲  
何日松濤入清聽柏身雖短勢干霄桐乳未垂覺含潤  
杏枝預想鬧春風梅蕊先能逗春信一行穠李匹天桃  
坐待更番開陣陣後庭芳樹亦連林來歲端陽喜逢閏  
春日遲遲夏甚長流光冉冉時難更繁華雕繪縱娛目  
開落無端纔一瞬諸君筆底有陽秋勁節清風標志乘  
百年之計期速成莫但賞花晨及暝

高廉舟招集朱氏小園看梅余以事不往適岱

峯寄疊齋字韻詩至用韻以謝

丙午



小池流水可容刀欲往難於泝逆濤失飲眞成蛇畫足

抗談卻羨塵揮毛山中書到方噴飯門外人來孰載膠

寄語梅花莫相笑連朝飽啖女兒饊

時季女歸安

疊韻四首寄岱峯

好友書傳魚腹刀幾年不共看秋濤

岱峯不至海昌已十餘年矣

我

慙閣置東西漢

所校兩漢書久已輟業

君喜居鄰大小毛

往歲時秋鶴司

訓餘杭請崇祀大毛公吏以毛公爲勝地時時蠟游展

餘杭人也徵問戶貫事實戲用此事

岱峯創建尊經閣祀撰十三經傳注

宮近又游徑山 經師一一薦芳醪

諸儒 大官縱有烝羊美能壓清涼末品饊

不羨王祥得佩刀

義山句

作詩孫已筆翻濤軟紅早嬾飛

雙鳥

岱峯大挑一等改教

衰白何須感二毛兒輩賣文供潔膳門

生問字載新醪漫云未啖紅綾餅也算平生會祿饒

海上年來已賣刀安眠午枕任春濤編氓自解輸金布

絕域奚煩貢土毛常苦防河危一孔從知酌水勝單醪

腐儒諧語同寒乞且喫年年節節饒

俗例歲時以食饒爲吉語蓋假高音

也乞者歲除於市呼年年節節高以乞錢戲借用之

羨君心久息錐刀止水恬然不起濤世事吹來如馬耳

俗情屏去等鴻毛近逢仙吏頻拈韻

岱峯與繆雲士明府疊韻各十餘首

爲報家童富醪醪有日層樓重一醉

岱峯作應奎樓面泮湖余曾往登

臥聽夜市賣糕餅

題新安程木庵小像

何時短棹訪衡茅來與山僧共打包一笑不須通姓氏

未相識已訂神交

昨寄贈書圖一卷黃山深處伴幽居

木庵贈子通志堂經解子屬海昌道

士汪鶴甜雲寫贈書圖卷前畫木庵六舟陳編插架何

及子小像同人多爲題詠昨歲以寄木庵  
曾讀慙愧他時覲面初

海鹽胡穗生畱學舍兼旬爲余鐫器物銘賦贈

異哉揚子雲晚始慙壯夫那知太元經亦屬摹古徒我

儕雕蟲技依樣成葫蘆刻舟以求劒乃欲論癡符煩君

操筆削燕石充瓊玖君能傳家學

尊甫衣谷

我愧俗學拘所

幸鄉里舊出處同一隅何時各投筆放棹高士湖摹繪

海天闊

穗生方學  
畫山水

清景相與娛

題管芷湘爲高廉舟畫帳

夢想苕溪已卅年幼安妙筆出天然不須更蠟遊山屐  
我亦藜牀坐欲穿

作客明州又越州山陰道上屢勾畱未容漁隱編叢話  
聊寫家山當臥游

小春之初蔡小硯廣文

錫琳

寄贈乾隆戊辰冬

族父少宗伯公與蔣恆軒相國合畫梅竹上  
有文端公題句云梅花如美人用儷君子德

相對兩相念無言自怡悅是日爲余生朝忽  
逢林諸友咸集舊藏少宗伯公畫山桃花亦  
有相國題詩因同展觀雜述舊事以當跋尾

并柬小硯

蔡侯父子雅似周平園得名人筆輒付其子孫我交硯  
翁幾及三十稔先世翰墨損惠曾頻煩今秋西子湖邊  
逢小硯爲道新得紙本畫出老瓦盆盆中墨梅我家宗  
伯所手寫虞山補竹亦若老梅枝不繁先公戲題五言  
二十字款署戲題想見揖翠堂上恆軒相國邸第主客情好敦我欲  
請觀惜未入行篋有如此日孤山之麓夢想梅花魂揭

來晴簷乾鵲連朝喧語溪夜航船人急打門一函傳到  
小硯之手札贈我寶墨珍重伴瓊璠開緘果得百年以  
前舊遺墨無上眞品不獨手澤存是時宗伯年踰四十  
猶未遇詞學經學名已達

帝闈丁卯之秋先公同舟訪廬阜

文端公典江西  
試少宗伯偕行戊辰

之歲虞山下榻如陳蕃竹外一枝雖出偶然筆中有夢

莪隱痛新淚痕

蔣石齋丁卯除夕詩去歲藥鑪伴中宵  
梅夢親祇應將泣淚滴上不教春自注

云先府君病中猶  
手種益梅一株

小硯不忘老友頻顧問以此投贈亦

見至性惇噫余童時曾見虞山山桃二律宗伯畫

乾隆丙子

畫於恆軒先世舊事先子曾細論宗伯畫法出我高祖  
相國即第

母餘力所及亦自講究窮朝昏胸中妙理默會造化源  
藝通乎道乃爲眾所尊不然南樓僻處惟斷垣當年以  
畫易米供晨飧那知異日

天語褒賢媛

嘉禾欲續賢媛傳不愧當年畫荻人

宗

伯之畫晚歲頻進

御梅花

賜題亦荷

雨露恩篋中舊幅先子嘗挂壁卅年什襲不敢輕易翻  
小春之初恍若春風隨嘉賓好我宴笑逾弟昆旣感蔡  
君持贈意鄭重并出舊畫以次娛清罇噫余年過半百

家學猶未探本原幸與諸君怡情相對無違言何時共

訪數點梅花室

小硯齋名

西郊看竹一詣黃葉村

石門吳子孟舉黃葉村

莊在西門外

偶至語溪蔡笑拈招同徐亞陶游城西風木庵

次笑拈韻

老僧築屋自何年題扁驚看倍黯然

明時有僧結廬以養親王伯穀爲築

書庵額

物外俄增身世感區中聊結去來緣烏依樂樹餐

芳果佛護晴簷生暖烟

笑拈與同人廣收名家畫佛象藏庵中

善者幾還

仗檀越比鄰試整舊斜川

庵鄰黃葉村莊

次韻答孫次公

灑二首

丁未



弱歲希立名把筆輒論著垂老學無成慚愧鄉曲譽久

聞洛如社

次公與同人結詩課有年

恨未接清晤懸知大雅才定入

玉堂署秀句出酸寒漫詫才名誤春風到閭井百卉亦

和煦至樂非外榮妙義在深飮力學昌其詩萬象恣噴

吐吾今掃浮名陶寫隨所寓庶共達者論詎作身外慮

我思始有廬

次公新刻始有廬詩稿四卷

高臥談羲皇豈意百里隔

之子來游翔贈我鷗盟集

選刻卅年來同人詩凡數十家

所錄皆名章

其中有作者

吳應和榕園曹言純種水蔣浩花隱馮登府柳東方垞子春

夙昔同相

羊一讀醒塵夢恍熟邯鄲梁當時觴詠地渺若無何鄉

遺篇幸未墜賴子勤收將匹如覽滄海一勺餘湯湯苦

心冀傳世得此亦足償尙煩續詩繫篤志編緝細

客有讀長慶後集而感事悲吟者爲賦二絕句

解之 戊申

悲啼歡愛縱堪憐那有風情比樂天往事應忘十年後  
小名石上未曾鐫

垂老何心捉柳花柳花飛去落誰家飄茵墮溷皆天定  
莫怨春風枉自嗟

甘小蒼刺史

鴻

屬題二圖同用五六七言體

孤山補梅

曾爲鑑湖主管領又西湖

刺史由會稽移任錢唐

賀監風流繼孤

山山不孤

山中雪月依然但少梅花伴鶴補栽三百六十好安吟  
魂山閣

天風吹過小蓬萊

借用馬  
臻句

橫浦先生故里來又試經綸

種花手宋梅待補讀書臺

雙堤補柳

補梅更補柳花月一時新遂使桃花港游人懶問津  
白蘇二公美政有水之處皆傳試問堤邊父老何人可  
比前賢

漁歌唱出柳枝詞循吏爭誇甘季思寄語行人莫輕折

柳陰小憩憶當時

題蔣吟舫

世清

新得厭勝錢拓本

六冊集自胡伯始

嘉善楓涇鎮胡崑朗山

流轉乃及江夏黃

嘉善黃調

夫○萬事不理咨伯始天下無

今者又入蔣生手我幸

得見錢中王

分書錢中之王四字亦厭勝品在第四冊

花紋字跡肖纖悉方

圓輪郭摹精良未覩其物以意造志古免笑洪鄱陽我

鄉錢譜數金氏

岱峯大父研雲先生

邇來共說新篁張

叔未翁

正品

偽品盡羅致厭勝之品無此詳天下太平國之瑞宜爾

子孫家之祥聯翩吉語寓頌禱足令見者樂未央或云

清風涇咫尺暇日惜未一葦杭錢品不見見此冊如以

畫餅充飢腸我思文人講經濟空言無實多渺茫比聞  
繪圖議寶鈔取法宋元更漢唐欲停鼓鑄禁私造桑皮  
尺半鈐印章紙上空談阿堵物吏胥作偽能周防終與  
是冊等無用而此猶足供評量紛紛著論竟何益承天  
柱石在廟堂承天柱石亦冊中錢文冷齋放言亦無謂一錢不值  
徒猖狂開函忽覩金人像第二冊首有金人像閣筆緘口心徬徨  
海鹽陳母倪孺人繡燈問字圖爲雲山孝廉景

高作

母勤十指兒勤一編夜深燈火風悽然十指以養兩世  
之高年一編以續累世之青氈母不勤高年飢兒不勤

世業衰母孝兒亦孝姑慈婦更慈三世未亾人共守四  
歲兒伶仃孤苦天憐之天憐之與兒聰明與母壽少從  
母問字長以字養母此日母顏酡飲兒問字酒他時兒  
繡衣猶出母之手畱示此圖世世守世世母子荷天祐  
何必孤寒始勤繡問字母忘富貴後

同人朱氏小園看梅次小蒼刺史韻

己酉

種梅難得主人翁結構幽齋竹樹中勝侶詩情春已覺  
名花暖信夢先通折來官閣風光早

刺史於歲除日折  
庭梅數枝見贈

賞到孤山約略同

刺史有孤  
山補梅圖

茶罷忽聞談往事恍疑身

住日華東

聞

蹕時此爲

純廟駐  
軍機房

味根從孫

聚仁

歸自彭山己酉二月始相見於

顯忠祠三月又會於湖天海月樓次韻衍石

兄寄味根詩三首

十年萬里別一日會祠下嗜退本家風過歸實天假後

生得師資可以正趨舍以身示從違以經作陶冶

味根以寫

經課彭山書院士今欲仿此以教家之子弟

諧語亦可思昧者但嗛嗛況聞

文翁堂已立樂公社治家如泣官曷先去害馬惟聖思

古民或亾歎今也相與勵矜廉勿思庇廣廈先公昔講

學士多興起者所好未能從

太常公扁講舍曰從我所好

我愧奉彝

斝

是日泰

願子相輔助力行免除阿

漱山我愛敬如對黃綺身先人策杖地風物猶未泯童  
童盡真率與我淡以親登涉必相導恐我迷芳津日飲  
西澗水其味清含瀘所以無俗腸不待教戒諄湖田實  
沃土可救儉歲貧歸耕及未老羨子祖德遵山樓竟日  
坐領略重湖春

重湖春色爲先人所詠八景之首

話舊聽娓娓有若涼

耐醇

溉田疏水渠俾民可耕藝

乾隆間彭山令張君鳳翥引江溉田四境以張公名渠者

甚眾年久淤塞味根續澆補治歲常有秋

盡心百里閒亦足以濟世教士舉

大綱而不務苛細吾知蜀中人望子如望歲何爲急抽

簪脫然無所繫蒼茫仙掌峯書堂冰雪際

侍御公書堂在仙掌峯



故山理舊業誓欲闢菑翳庶幾勛子孫不獨娛老計此  
願期必成我與子附麗作詩告吾兄何日來聯袂

俞秋槎

漢

得靈璧一區峯巒秀拔叢木蔥蒨盛

以白石盆光瑩如玉城中故家物也其所繪

圖秋槎亦得之出以屬題

庚戌

猗此一拳石美若青珊瑚陂陀僅尺寸勢與尋丈俱何  
人植嘉樹歲久滋雲腴位置庭檻間秀色伴蓬壺雖無  
高麗盆白石玉不殊主人敬愛客延賞容吾徒酒闌憶  
舊事發詠頻嗟吁吾聞縹雲石萬里致海隅流傳易數  
姓興廢如一途扶風全盛日我方聯葭葦

馬容海  
姊婿

親見

園池供轉眼園荒蕪昨歲移古刹鼓勇昇百夫中郎劇

好事石在人則徂

去秋蔡小硯移縹雲石於石門縣東福巖寺未幾小研下世

九華

信尤物肯爲三徑娛大力苦營構無乃愚公愚贊皇平

泉莊奇石今有無不如小仇池萬古歸髯蘇主人聞我

言美酒騰百觚謂客倘愛賞不妨負之趨致此偶然耳

匪慕山澤臞譬彼壺中華雲峯久模糊清夢雖已斷真

形存畫圖

尤物已隨清夢斷真形猶在畫圖中東坡重訪壺中九華詩句

沈曉滄

炳垣

寄贈上海徐君

渭仁

新刻願澗贊

思適齋集賸以長篇次韻奉荅

廣求善本正謬誤近日吳門推二顧

澗贊與其從兄抱冲夢寐頻

年思適齋惜哉老死不相遇沈侯嗜好別流俗休沐道

遙辭劇務好事近得郁與徐

上海郁松年秦峯所刻宜稼堂叢書若干種曉滄亦

曾相贈

異書校勘爲點注

郁徐兩君所刻書皆曉滄精心爲之校定

憐余獨學

苦索居移贈新編煩健步脊令急難痛梁園

從兄衍石四月初卒

於大 邛岨因依失學圃

學圃爲金岱峯郡城舊居岱峯近自臨安移官溫州相距更遠

矣 暇日空聞求友聲何人更說述書賦

寶眾著述書賦兄蒙謂爲精窮

要旨見法書要錄

感君情重勝分金願我愁深敢披布平生漫

想抱遺經閣置何殊什物庫開緘一讀得歡顏把卷重

思轉沈痼澗蕢能訂抱沖書許劔深情託豪素

見集中百宋一

屢賦 我慙家學失根源枉自童年受章句與君二紀鄉縣

隔知君情亦感親故我兄遺稿待編摩請君大筆爲論  
著伊誰欣賞棗梨傳我願託交金石附

署東防同知永州唐侯

光照

捐錢普同寺側義

冢以助收葬余偕楊竹史孝廉

勳

曹杏庭

錦

堂

張小松

仁榮

徐又山

典傳

諸文學往視其

役記事成篇

晨出西郭門凝霜晞晴旭不愁宿草滑野田步屈曲低  
壟密成行隱若魚鱗屋嗟彼陳死人生前半窮獨何幸  
地下眠乃占此行沃男女冢各分殊品以類族短碣識  
號則以次立連屬自一至百千姓名存簿錄夫婦同穴

藏子孫附昭穆後起倘有聞遷地可改卜意美而法良

義深且仁篤能令薄夫敦萬類化親睦昔賢創叢冢厚

德可尸祝惜哉用火化猶未革羌俗詳宋慶元元年無乃

方田行遺法久畱毒寬閒地難籌苦心但蒿目我

朝大仁澤義冢免賦粟廣立仁孝園康熙年邑侯許公

孝大善政得繼續吾嘗訪舊事志乘錄盈牘義冢願未

志采訪日粵自嘉慶年邦人及司牧捨財兼捨地悉數

待更僕唐侯席未煖乃肯分厚祿拓地容百棺擔錢傾

數簞骼皆無棄遺嬰孩并收育又捐錢十餘萬快聞小

兒啼得免舊鬼哭用恩非市名爲善不求福我來觀役

夫勤不待催督謂侯四海人仁心憐天殞況我井里同情豈異骨肉擇此土疆槩不使水滲漉度棺量廣深掘坎若溝瀆棺閒空逾尺逼處不局促石灰土和之四隅踏以足百夫足力齊堅實勝板築是爲白雲葬工用儉而速吾家商隱翁與友講求熟海昌有范蜀山許季繁言屢開勸感悟百里閒戒不焚榱櫨我詩告鄉愚勿嫌叢葬辱不見名公卿往往出義塾天道有盈虧其疾若轉轂他時臥麒麟於此且託宿

題謝厚庵參軍

蘭生

所纂思忠錄景忠錄

咸豐

辛亥

謝君昔日曾從戎軍門論事驚凡聳有手恨不能殺賊

濡染大筆思勸忠凡死夷難盡箸錄託始吾浙之甬東

姚知縣懷祥福建侯官人全典史福甘肅人李縣丞向陽雲南昆明人先後

死朝廷重寄果何人漫言死職無文臣不見乍浦同

知韋逢甲山東人上海典史楊慶恩山陰人與夫運餉知縣

顏履敬甘肅人皆不避賊圖生存事聞荷 褒卹乃共武

臣死難同蔭其子孫武臣首數陳提督化成同安人吳淞作

鎮若山岳壯哉至死猶橫稍從之死者有六忠韋印福錢金玉

冀齡垣許林許攀桂徐大華皆領兵官亦與其難婁縣廩生楊秉把撰六忠傳厚庵云尙有外委姚雁宇不

愧將軍之部曲廈門與虎門大角連沙角閩粵諸將多

死綏

提督闕天培總兵江繼芸祥福後來甬上四鎮亦

卓犖

壽春總兵王錫朋處州總兵鄭國鴻更有朱家父

子兵

金華副將朱貴大寶山頭在慈谿縣死尤酷死雖酷功

實多從死之士卒其名亦不磨所惜張總戎朝發功罪

猶殊科同時有直筆若文若詩歌謝君一一勤搜羅天

知謝君劇好事先遣收藏棘闥字

乙未鄉試厚庵從事外簾姚公懷祥以分

校藍色筆

異時攝職之永嘉突兀堂前見題識葛公雲飛楹聯

寫字贈之在瑞安副戎署厚庵手拓

完人遺墨得合并力透紙背

與姚公遺墨同徵題詠

想忠義更教華蓋謁雙忠陳忠毅公丹赤馬忠勤公瓌同死耿精忠之難馬公之姪

顧委家人張亦賢亦死吊古傷今一致同官率錢新

焉有祠在溫州華蓋山



崇祠碑傳遺文急編次先人紀錄有思賢

厚庵之先橫山先生應芳

有思賢錄記宋道鄉鄒公事

續以景忠思忠可連類開緘字字光芒

寒讀之使我慘不歡粵西方探赤白丸願以此激壯士  
肝嗚呼小醜勿蔓衍即日蕩平罷征戰安良除暴賴郡  
縣豈無治行稱最善請君更補循吏傳

吳山遇吳門顧湘舟

沉

知其收藏舊籍及金石

文字甲於三吳劇談良久既而過訪寓齋以  
其姬人綠卿素君紫娟合畫團扇見贈屬題  
繡餘讀畫圖率成三絕句

東吳顧文學卅載舊知名閱肆得相遇高談四坐驚

贈我白團扇丹青一一工腐儒無豔福也幸拂清風  
南面百城擁豪於列屋居定知讀畫後分校數行書

次韻荅家菊豪翁

清連

見贈四首

壬子

扶杖來遊荷寵光新詩讀罷轉徬徨閱人瞥眼翻車轂  
憶舊驚心夢屋梁昔日兒童俄老大近時風月敢平章  
耆儒猶幸畱宗老不獨家聲待發揚

何必通書光範門家居教授有根源達觀早脫浮名縛  
獨學方知我道尊人羨天全如赤子自醫目嘗養丹元  
如君事母曾親見垂老彌思罔極恩

蕭齋風雨長蓬蒿一任池蛙怒鬪豪學道無成嗟已晚

校書偶得不償勞眼看巢鳥隨時換手種庭枝計日高  
志乘編摩煩老友敢誇健筆騁修毫

平生枉自學閒吟未辨南任與北禁被以榮名緣俗厚  
菊豪與同人題扁見譽粗知佳句在情深同時喜見千篇富別後  
能通一室心願勸子孫傳慶系其將忠孝勵微忱

哭孫六萇孝廉

鳴鏞

賞菊甫旬日菊花猶未殘胡爲一夕飲已畢十年歡  
卒前十日苦志纔登榜勞心到蓋棺京華懷益友尙望  
招子賞菊  
赴春官

感事二首

癸丑

頻年苦水旱田穀屢歉收賴有木棉花寶與百穀伴織布不自煖適市求急售易錢以買米農病庶小瘳海昌硤石鎮市布若泉流遠則上下江近則蘇常州若者貴素質若者利染緞商賈日夕至萬匹無滯畱近鄉百里間婦子蹤跡稠夜織晨卽賣辛苦不少休辛苦雖不休得免棄渠溝邇者事防禦幾斷估客舟可憐抱布者賤價不得酬所幸生爲農不使操戈矛女且勤紡織男且勤耨耰慎無失本業有田終有秋

長安多米船米價幸未長浙東西所資不獨一州饒連牆販載來皖江及湖廣一歲數往還貿易期不爽比間

產米鄉鴈戶半飄蕩恐將閉之糴焉肯濟鄰壤吾鄉號  
嘉禾連歲失豐穰海昌災亦同蓄米但瓶盎縱可遠方  
糴富室少積糶腐儒本耐飢僵臥猶屈彊一飽不自謀  
那得馳遠想大府有良策運粟急勸獎行見販米船聯  
翩牽百丈飛符慰鄉農男耕女績紡四民安其業人各  
得自養庶幾不流亾且免設粥廠

題沈蕉雨翁茅檐小憩圖

吾禾號樂郊隨地可託隱沈侯性高曠不厭城市近至  
行似阿翁蕉雨翁尊甫竹坡先生事門風素馴謹我恨  
未識面不共煮蔬筍承家有令子舊德克推引頻年風

鶴警遷避若飛隼安得茅三間卜鄰共編槿

題胡雲次刺史

澤沛

晉爵圖

一匹傳家絹清風庇萬閒高遷鶯出谷美報雀銜環醇  
耐頻年化歡醑比戶閒郡符重管領飛蓋賀江山

武進湯雨生將軍

貽汾

殉難金陵其族子果卿

明府

成烈

奉遺詩徵和余從兄子監生繼文

與將軍同時殉難甚慘故疊韻及之冀附將

軍以傳焉

甲寅

未識將軍面聞名四十秋文章本忠孝韜略富權謀雄  
劍解鄉折遺釵忍淚收

將軍藏其母夫人遺釵不知存否

英魂還報

國妖彗掃蚩尤

金陵春正麗懍懍若防秋下土懷孤憤臨危早定謀竹

園安得附

將軍死葬淨界寺前竹園李氏菜地

玉骨未能收

繼文當金陵城初破時誓

不辱手刃其幼子女視其妾自縊乃漢記傳忠義銘詞沈於池以殉僕人乘閒逸出述其事

待李尤

馮詒齋

昌燕

重裝秋鶴山人畫冊屬錄衍石兄

題句次韻十首

老屋謝熱客鎮日常閉關結交得松石相與伯仲間

山人

自題松與石相親悅圖

下水船倒懸上水船植立筆底挽千鈞化險匡其急

自題

濫灑大如象瞿塘不可上濫灑大如馬瞿塘  
不可下偶爾想像圖此已不禁爲之膽落也

山人性閒靜戲浦愛雙鵝想當揮翰暇行吟青草坡自題

春水浴鵝仿  
王若水畫法

娛老惟臥游不泛千里舟壯心猶未已寫出洞庭秋自題

匡廬清曉乾隆丙戌歲江行曾見此景近擬其意卽以此四字題之未知銷夏記中孫退谷所藏巨然真本何如

老子興不淺江上憶春風畫橈十五女逸態寫驚鴻冊上

分書高青邱江  
上偶見之作

心比池水清其中有眞宰牆頭看松濤放眼隘滄海自題

巖壑松風窪山人坐池上望牆外  
松枝卽景擴充其意闢此以自遣



邊塞我未到夢想白題斜畫中見景色朔吹起寒沙

白題

夕陽馳背邊塞景色亦不可不知

我室掃除嬾一任塵土侵滿壁雲林畫惜無人賞心

白題

昨過陳生際飛齋頭見壁有塵積處宛然雲林畫法歸而戲圖其意

源頭曾未得那知水淺深老筆有妙悟通理靜中尋

白題

源頭活水

著紙皆寒色酒酣乃敢開人壽不如雪

衍石兄哭山人文孫清川孝廉

通惆悵爲停杯

雪中芭蕉梅樹無題字款署王成冬日崔山人馮洽寫

甘泉鄉人稿卷二十四

錫麒少時讀前人詩文之豪放者心竊慕之庚子夏攜詩一冊謁州學師錢警石先生先生評曰各體俱佳惟微有才子自命之概錫麒瞿然曰才子不可爲耶先生曰使讀者畏而愛之何如敬而愛之之爲愈也錫麒服膺斯言不敢忘自是與子方子密兄弟交日密先生詩文甫脫稿輒得共讀之微窺用意之所在時有所領悟歲甲辰子方舉於鄉錫麒得副車竊附年家子之列奉教於先生者益詳己酉之夏先生手輯詩文稿屬同人分寫清本以第一卷命錫麒因得備讀先生之文先生嘗語人曰詩文以意爲主氣爲輔意必真必厚氣必潛

必和讀古人詩文亦當就其和平澗雅處涵泳體察以發爲文辭庶不失爲端人正士之言每舉昌黎語以示學徒曰行峻而言厲不如心醇而氣和也集中與吳仲倫論文書云自古作者必有性情獨到之處資其性情所獨到而養之以至正不至於偏且雜其氣和以平其體醇而雅而充之以經史之義蘊其言爲天下之至言其文爲一家之眞文仲倫翁與同時作者皆嘆爲自來論文家所未及年來同人屢勸先生以詩文壽世先生時以從兄衍石給諫記事續稿及詩稿未全刻爲憾今年蔣寅昉爲給諫刻全稿先生之集乃次第授梓於戲

先生至性之眞摯乃詩文之根本也錫麒敢詳誌所聞  
見於全稿後俾讀先生詩文者知畏而愛之不如敬而  
愛之之言爲不可易也咸豐甲寅孟夏海昌陳錫麒謹  
跋